


ZIBAHAZO

 Palo ya Linzwi. Kwa sebelezo ya kukwala, libaka le Ni mi kupile kuyema . . . Ha ba liza pina yakuli *Ndembela Yeswana Ni Naleli*, mwa yema. Mina bo? [Kopano ili, “Eeni.”—Mu.] Konakuli kikabakalañi ha mu sa yemeli Linzwi la Mulimu? Ki likute. Cwale mwa Buka ya Exoda, kauhanyo yabu 12, kukala ka timana ya 12, Ni bata kubala siemba sa Liñolo, timana ya 12 ni 13.

Kakuli Ni ka fita mwa naha ya Egepita busihu boo, mi ni nate . . . za maizibulo a mwa naha ya—ya Egepita, sibeli sa batu ni lifolofolo; ni . . . ka nata ka katulo: Ki na MULENA.

Mi mali ikaba ku mina ka zibahazo fa mandu a fo mupila; mi ha Ni bona mali, Ni ka mi fitelela, mi koto haina ku mi tahela ku mi bulaya, ha Ni nata naha ya Egepita.

2 Tuto yaka ki kuli: *Zibahazo*.

3 Halu inamiseni litho zaluna cwale. Mi mwa kukuza kwa Hae kwa nako ye kutekeha ye, lu si ka Mu atumela kale mwa tapelo, kana kuna ni kupo ye mu tabela kuli Mulimu a alabe musihali cwana? Ha mu nanule fela mazoho a mina haiba munani yona, ni kunahana mwatasa pilu za mina ze mubata kuli Ami ezeze. Kai ni kai mwahala muyaho, mu nahane fela ze mubata kuli Ami ezeze.

4 Ndata luna Yakwa Lihalimu, Wena u Mulimu ya sa cinci, mi lu lapela kuli U alabe litapelo za luna, musihali woo, halunze—halunze lu nanuzi mazoho a luna. Mi U lemuha kuli mazoho aka ananuhile, ni ona. Mi kupo yaka, Ni ka izibahalisa kwa nyangela, ya kuli, Mulena, kuli U folise mutu kaufela yaliteni mwahali mo kacenu, pulusa ya latehile kaufela. Cwale, U ize, “Ha mu kupa sika kaufela ku Ndate, ka Libizo la Ka, Ni ka si eza.” Cwale, Mulena, lutuse hamoho kuli lu lumele sina sikwata sa batu, sa bana ba balumela. Bulela ka Linzwi, la Hao. Linzwi la Hao kona Niti. Fuyola lipilu za luna.

5 Lwa itumela ku Wena ka mukopano woo. Lwa itumela ku Wena ka Muzwale Grant, ni kwa babeleki ba hae kaufela, ni likeleke kaufela ni sicaba. Ni kwa lika Zo luezelize kaufela, Mulena, lu itumezi ku Wena. Ndate, kwa kona kuba babañata ba luna mwahali mo babasike ku bonana hape cwale, kufitela lu yo bonana mwabuse bobuñwi. Ye ikona kuba sebelezo ya mafelelezo ye luka ina hamoho mwa lifasi moo. Mi Moya o Kenile utahе ni ku lufuyola hamoho, u shaele ku luna ze lutokwile. Ka Libizo la Jesu lwa lapela. Amen.

Mwakona kuina.

⁶ Nina ni kaemba nyana ka pampili faa, fo Ni ñozi Mañolo nyana ni lika zelikani. Kale ne Ni kona ku hupulanga ka toho fela, kono kona Ni sa zo fitelela mashumi amabeli ni aketalizoho, mwa ziba, foo ki kuli, nako ya bubeli. Mi cwale ha Ni sa hupula sina mo ne Ni hupulelanga sapili, mi zeñata ne li zamelela hande mwahala mikopano ni lika zeñata za kueza.

⁷ Tuto yaluna musihali wo *ki: Zibahazo*. Taba yaluna ikalela mwa Egepita. Ki siswaniso sesituna kulo fa cwale, Ni bata kuli kaufela mina mu si bone mi mube fela ka likute mo mukona kubela. Egepita ki sibaka sa taba yateni, mi nako ya taba yateni ki kwa makalelo fela a exoda.

⁸ Mi, cwale, ki mufuta wa kacenu, o bonisizwe, sina ha lu talimana ni mututo yeñwi. Mulimu uzwisa Isilaele mwa Egepita, kuya mwa naha ya sepiso, ki mufuta o cwani wa Krete ha zwisa Munyaliwa mwa keleke, kuya kwa Naha ya sepiso. Lu mwa mututo usili. Cwale haiba muka bala Liñolo, luna ni fela nako ya ku ngunyuta fa litaba zetuna za lona, yeo ki niti. Ki luna baa. . . Sina Mulimu mwa na zwiselize naha mwa naha, Mulimu uka zwisa Munyaliwa mwa keleke. Munyaliwa uka bizwa kuzwa ma likeleke kaufela. I kaba keleke ye ketilwe ya Mulimu, ye katiswa. Mi lu kwa mungundo wa mututo wani ona fa cwale, kakuli luna ni bupaki kaufela bwa Mañolo kuli lu yemi faa. Cwale, Ni ziba kuli zeo se libulezwi linako zeñata, kono, mulikana ka, nako yeñwi li ka bulelwa ka nako ya mafefezezo. Nako ika felela mwa Kuyakuile ka nako yeo. U taha ku tonga Munyaliwa kuzwa mwa keleke.

⁹ Zibahazo neli yona nto yene shutanisa mwahala Egepita ni Isilaele, linaha zepeli. Kaufela bona neli batu, kono kaufela za bupile Mulimu, musebezi kaufela wa Mulimu, kono, shutano katulo ya lifu ha ne ifilwe, shutano mwahala bupilo ni lifu neli zibahazo.

¹⁰ Mi kona mo ku ka bela ni fa kutaha kwa Mwana Mulimu, Ha ka tisa Munyaliwa kuzwa mwa keleke, shutano i kona Zibahazo. Cwale, muteeleze hande musihali woo, mi mubone haiba ha ki niti yeo. Zibahazo kona ye li shutano. Ku lukela kuba shutano.

¹¹ Mulimu uka atula lifasi, zazi leliñwi, zazi leliñwi. Ha ne Ni ka buza sicaba sa Makatolika, ki bafi ba Ka atula, Uka atula lifasi ka sikamañi? Ne ba kali, “ka keleke.” Keleke mañi? “Ki keleke ya Katolika.” Keleke ifi ya Katolika, kuna ni zeñata mwahala zona esi? Ba Methodist ba ka li, “ka ba Methodist,” konakuli ba Baptist kanti ba latehile. Konakuli, haib aka atula ka keleke ya Baptist, kaufela baba siyezi ba latehile he. Ba Pentekota bali, “ka Pentekota,” kona kuli baba siyezi kaufela ba latehile. Mwabona, i kona kulyanganisa, ki kulyanganana kokutuna, ki kulyanganisa luli kwa ngana, ka kunahana ze cwalo.

¹² Kono Mulimu nana ni nzila fa ya Na bulezi kuli kona mwa Na ka atulela lifasi, ha ki ka keleke ya Katolika, ha ki ka keleke ya baipanguli. Kono U ka atula lifasi ka Jesu Kreste, mi Jesu ki Linzwi, mi Jesu ki Linzwi, kacwalo si kutela kwa Bibebe hape. Mwabona? Uka atula lifasi ka Bibebe. Mi Bibebe ki Buka ya Mulimu ya katulo, ili yona sinulo yetezi ya Jesu Kreste, kuli hakuna nto isili yekona kuekezwa kamba kuzuswa kwateni ku Yona; mulatu wa ku eza cwalo, ki libizo la hao ku takulwa mwa Buka ya Bupilo. Ina fela hande mwa Buka, ni kulapela ku Mulimu kuli alueze siemba sa Yona.

¹³ Cwale lu fumana kuli, zibahazo ki sikamañi? Zibahazo ki sisupo sa tifo ye lifilwe, kona zibahazo yeo. Kuswana fela inge linjanji za luna ni linzila za limbasi, lunga masheleñi a luna ni kuya kwa sitishini. Cwale, mwabona, nzila ya mbasi ha i si ka lumelezwa, mwa libaka mo kuitusiswa lizibahazo, ha li lumelezwi kulwala masheleñi. Ha bakoni kunga masheleñi, si lwala fela zibahazo; lubulele kuli ki lifulai, kamba ki sikamañi kaufela. Ha u ya kwa sibaka sesiñwi, fa tafule ya kulekiseza, ni kuleka, kwa masheleñi a hao, kuna ni mali a muwayawayamañata luli, zibahazo yeñwi ye cwalo. Mi zibahazo ye ki sisupo kuli tifo ya hao ilifilwe. Una ni tukelo ya kukwela sisepe sa hao, kukwela fulai, kukwela mbasi, kamba kaufela seo sili sona, haibile fela una ni zibahazo ya kubonisa kuli—musipili wa hao u lifilwe. Cwale muhupule cwalo. Musike mwa libala.

¹⁴ Ngunyana ya Isilaele ye ne tabiwa neli. . . kona za na tokwa Mulimu. Jehova na tokwa ngu ye bulaiwa, ya kuyolisa yesina mulatu. Sina ha lu se lu fitile ku zona mwa sunda yefelile cwale, kuli Mulimu, yena Ha eza keto, Ha cinci ku yona. Mi A eza nzila, Yena sa pili sa Na ezize fani mutu ha wa, Na mu ezilize nzila ya kukuta, haiba Na ka bata ku mu liulula, mi ha Na ezize keto yakuli Na pilisize mutu ka Mali a Yasina mulatu. Mi U ezize kale nto yeswana. Ha si ka li cinca kale. Hakuna sibaka seo Mulimu akona ku kopana ni mulapeli, konji fela mwatasa Mali. Seo kona sibaka sinosi fela.

¹⁵ Lu lika ku Mu ezanga kuli atahe mwatasa lituto zaluna za bulapeli, mwatasa kopano ya luna, mwatasa litukiso za luna za lituto. Babañwi ba yahile litawala mi babañwi ba yahile mileneñi, Babilona ni—ni tawala ya Babebe, ni mufuta wa lika kaufela. Kono ku sa siyezi ona cwalo, Mulimu fela ukopana ni mulapeli mwatasa Mali. Yena ha cinci lika. Kaufela luna ha lukoni kuba ma Methodist, halukoni kuba Mapentekota kaufela luna, kaufela luna halukoni kuba *se, sani*, kamba *sani*, luka palelwa ku lumelelana. Kono cwale ha Ni taha ku mutu, ha be muprisita wa Katolika kamba sikamañi kaufela sa kona kuba sona, hali mwatasa Mali ani kipeto lu mizwale hamoho, hakuna taba kamba ukai, haibile fela u mwatasa Mali ani.

¹⁶ Cwale, ngunyana ya Isilaele ye ne bulailwe kona ya na tokwa Jehova, mi mali neli zibahazo yene paka kuli musebezi u

ezahalile. Mulimu na i tokwa kwa kuliululwa, kuzwa Egepita, ku ya mwa naha, Na tokwa folofolo ye bulailwe. Mi folofolo yani i lukela kuba . . . Mali a folofolo ye shwile ilukela ne ilukela kulambiwa fa sikwalo, mi sani ne si yemela zibahazo kuli sika seo Jehova na tokwa ne si talelelizwe. Mwabona? Cwale, isiñi ngunyana kuli kona yeneli zibahazo, kono mali kona anali zibahazo. Cwale, bupilo ne bu zwile mwa sitabelo, mi cwale mali neli yona zibahazo. Litaelo za Hae ne li latelezwi. Mali na yemela zibahazo, sisupo sa kuli mulumeli yo na ezize handende ze ne lukela. Yani neli yona zibahazo. Ku lukile, ka kubona mulumeli, ha lapela, kikuli na yemelwa mwa sitabelo sa hae. Mwabona?

¹⁷ *Kiye* ndu, ni mulapeli, ki sikamañi se ne si tokwahala? “Kubulaya ngunyana. Ka lizazi la bu fotini kasamulaho li tomiwa, ya—ya poho yesina fo inyazahala, Isilaele kaufela i ka i bulaya, mi mali a ka ngiwa ni hisopa ni ku sasiwa fa sikwalo sa munyako.”

¹⁸ Mi, ni bulele cwana, hisopa neli fela sicwani se si zibahala. *Hisopa* italusa “tumelo ya hao.” Yomuñwi ha lika kuba ni tumelo yeipitezi hahulu, kona ha mu palelwa foliso ya mina. Tumelo ki nto ye bunilo-nolo fela. U na ni tumelo ya kutaha kwa keleke. Una ni tumelo ya kuzwela fande. Una ni tumelo ya kuliza mota ya hao. Una ni tumelo ya kuca mulalelo wa hao. Kona mo ku inezi ona cwalo, ki tumelo fela ye zibahala kihona. Cwale ka kulamba mali, na lambiwa ka hisopa, ili fela sicwani se si zibahala fela se si mela kai ni kai mwa Palestine, kubonisa kuli tumelo kuli mali alukela kulambiwa ona cwalo ha ki nto yeñwi yeipitezi yo na ni kuba ni digiri ya dokota kuli ube ni yona. Ki nto fela ye zibahala fela, tumelo ya zazi ni zazi, kulumela Mulimu. Mwabona? “Kulamba mali,” ka tumelo, “ka hisopa.”

¹⁹ Cwale, mulapeli, he, ha bonahalela mwatasa mali, na bonahala kuli na petile kupo ya Jehova, mi na yemelwa. Zibahazo ne i bonisa kuli na yemelwa hande ki ngu ye bulailwe ya na bata Jehova. Musebezi no ezizwe. Ha ki mufuta kwa kupetahala ni woo kacenu, wa Krete ni mulumeli. Mi Zibahazo ha i bonaliswa ku mulumeli, kona kuli I bonisa kuli i amuhezwi ni musebezi u ezahalile.

²⁰ Mi, mali neli yona zibahazo ya bupaki, mali ona kasibili. Folofolo ne i lotile mali, ya shwa, mi mali ayona alambiwa fa limota. Cwale, bupilo bwa folofolo, bone buli mwa mali. Mi bupilo bu mwa mali, lwa ziba cwalo. Bibeke i bulezi cwalo, mi ni sayansi ya paka cwalo, kuli bupilo bu mwa mali. Kona kuli cwale folofolo ha ne ibulaiwa, mi bupilo bu zwa mwa folofolo, mali nana ni kuba mali a mafubelu fela, kuyemela zibahazo. Kakuli, bupilo bo ne buli mwa mali ne bu sa tahi ku mulumeli, kakuli neli bupilo bwa folofolo.

²¹ Mi bupilo bwa folofolo ni bupilo bwa mutu ki lika ze shutanela kwahule. Hakuna, hakuna se sili ku bona ni

hanyinyani. Mu ngile, munge mali a folofolo ni ku abeya ku mina, mu ka shwa. Kona kuli mwa bona, luna, ki—ki bupilo bo bushutana kufita bo buinzi mwa mali a mutu, kakuli mutu una ni moyo. Folofolo haina moyo.

²² Mi cwale, kabakaleo, mali ona kasibili, mu utwisise cwale, mali amafubelu, buino bwa mali, nana ni kuyema fa munyako, kuba fela zibahazo yakuli ngu i shwile, cwale, kakuli bupilo bwa ngunyana ne bu sa tahi ku mulapeli wa mutu. Kono kacenu . . . Ne li mufuta fela.

²³ Kacenu ha ki Mali a mafubelu o luiponela a Mulena Jesu, yena Ngunyana ya luna, kono ki Bupilo bo nebulo mwa Mali, ili ona Moya o Kenile. U kuta kuluna mi kona Zibahazo ye lu amuhezi mi i ezize ona cwalo sa lu bulelezi Mulimu kuli lu eze. Mi cwale, ka kuba ni Zibahazo, lu zibahazwa ni Sitabelo sa luna. Ka swanelo luli. Ha ni boni kuli sika sikona kupetahala cwani kufitelela foo. Mwabona?

²⁴ Nzila inosi fela yeo mutu akona kubulela kuli ndu ye neli ya mañi, ni yona, neli ka kuba mwatasa mali, kakuli mali amafubelu a bonahala na lambilwe fa likwalo. Ba fita mwahala zona, Lingeloi la lifu ne li talimela fa mali. Cwale, hape, neli mufuta wa Moya o Kenile.

²⁵ Cwale, mwabona, Mali tenyene a Jesu hakoni kutaha ku mañi ni mañi wa luna, kakuli Nana ni fela Mali alikani mwa mubili wa Hae. Mi a lotile, kuzwa mwa mubili wa Hae, kulotela fafasi, lilimo ze likana likiti zepeli kwa mulaho; kono na sa yemeli Zibahazo. Bupilo, Bupilo bo ne buli mwa Mali, neli Zibahazo cwale. Ni ka mi bonisa yona, fa muzuzu fela, ka Bibe. Ki Zibahazo ye na ni kutaha fahalimwa luna, ku bonisa kuli luna ni ze lu yemela ni Sitabelo sa luna, mi lu lwezi kupo ya Jehova.

²⁶ Pitrosi naize, ka Lizazi la Pentekota, “Mubake, mañi ni mañi wa mina, mi mu kolobezwe ka Libizo la Jesu Kreste kuli muswalelwe libi za mina, mi mu ka amuhela mpo ya Moya o Kenile. Kakuli sepiyo ye i ezelizwe mina, ni bana ba mina, ni ku babali hwahule kaufela, mane babañata be Mulena Mulimu wa luna uka biza.” Mwabona, ha ki kubonia fela ku bona. “Babañata be Mulena u ka biza.”

²⁷ Kuna ni babañata ba bahupula kuli ba bizizwe. Kono kaufela “bao Mulena” uka biza! “Bona ba Na zibile kale, U ba bizize; kaufela Ba bizize, U ba beile ba balukile; kaufela ba Ne ezize baba lukile, U ba file kanya,” kale taba yateni ifelile.

²⁸ Mi cwale ha munga mutu ya sa lumeli kuli Moya o Kenile ki wa lizazi la kacenu, mwabona sa eza? U latula Zibahazo yeli yona ponahazo luli ya hao kuli utamahane ni Sitabelo sa hao. Mwabona se Ni talusa? Ki nto yebunolo hahulu haiba uka talima fela ka—ka yeo Mulimu a li ñozi ka yona cwale. Mali na lu lwezi ni lwa ba . . . kubonisa—sisupo sa Moya o Kenile, boo kona Bupilo.

29 Cwale, bupilo bwa folofolo ne bu sa tahi ku mutu, kakuli ne bu sa zamaeleli, bupilo bwa folofolo habuna moyo ku bona. Bupilo bwa mutu buna ni moyo. Folofolo ha izibi kuli i mapunu. Ha izibi bunde kwa bumaswe. Yona, yona fela . . . Yona una ni—ni moya, kono haiba moyo. Cwale muhupule, cwale, moyo ki mufuta wa moya, eeni sha.

30 Cwale amutalime, kono cwale Sitabelo sa luna sa Bupilo, Jesu Kreste, Mali a Hae ha na suluhile. Na li Mulimu, ya tezi ku Mutu alimuñwi. Cwale, a tuluka kwa kuba Jehova, kuli aitibahaze Iliyena kuli ki mutu, kuli aikungele ku Yena mufuta wa mutu, kuli aitibahaze ni luna ku Yena. Nali yena Ngunyana ya Mulimu. Mi mwahali a Hae, fani Mali . . .

31 Cwale Na ziba yomuñwi ubulela kuli, “Na li mali a Sijuda.” Mu utwile Majuda ha ba bulela cwalo. Na si mali a Sijuda, kamba mane Na si mali a Bamacaba. Na li Mali a Mulimu. Na sina nihaiba a Sijuda . . . Mane na si Mujuda kamba wa Bamacaba. Nali yena Mulimu. “Mwa—mwa—mwa mwalanjo uka itwala.”

32 Cwale, Ni ziba ba bañata ba mina sicaba ni Baipanguli mu nahana kuli lii neli la Maria. Mi ni—ni mata a mwa mali ataha, bupilo butaha mwa mali selu. Kakuli, kuhu yakona kubeya lii, kusina ku kopana ni ya mukombwe, haina ku ndondola, kakuli ha li si ka fumana mununo. Bupilo bu zwelela mwa mali, zeo li zwelela mwa mata a muuna. Kono mwa taba ye nekusina mata a muuna, konakuli, “bupilo bu mwa mali,” nebuna ni kuzwa fela ku Mulimu, mi A bupa selu ya Mali mwa mba ya Maria. Mulimu Kasibili, Mubupi yena Kasibili, ki yena ya na bupile selu ya Mali. Cwale a mutalime. Ba li, “Kihande, ne li mubili. Maria nana ni lii.” Batili, sha. Na si cwalo; nekusina lii. Haiba ne li lii, ha ukoni kuba ni mata a zwa ku muuna kusina kuba ni maikuto. Mi haiba Yena, haiba musali nabile ni maikuto a mubili, kipeto Mulimu u eza sikamañi?

33 Ki yena ya na bupile lii ni Mali zepeli cwalo. Zeo ki zona za Nali zona. “Lu sweli Mulimu,” Bibebe ibulezi. Timotea Wapili 3:16, “Kusina likañi kunutu ya bulapeli ki yetuna: Mulimu na bonahalile mwa nama. Lwa Mu swala ka mazoho a luna.” Mubili ne li Mulimu. Kiniti, no li cwalo. Na li Mulimu ka kutalelela, mwa mufuta wa mutu.

34 Cwale lwa lemuha ku se, kuli selu ya Mali yani ha i pwaceha, ya tahisa Mulimu. “Mulimu nali ku Kreste, inza kutisana ni lifasi ku Yena.” Koo, mane nekusina mutu usili ya na ka lieza, hakuna se ne si ka ezahala; ne si lwezi Mali a kenile, Yena kasibili. Mulimu una ni kutaha fafasi ni kuba mutu, kuli anyandele mulao wa Hae Tota. Haiba Jesu na li fela mupolofita, mutu ya kauhanyizwe ku Mulimu, kona kuli Mulimu kanti una ni ketululo.

35 Haiba Ni kona kubulela kuli, “Lutuhele kuli Muzwale Grant ashwele sibi sa lukela kushwela Billy, kamba nto isili fela, mulatu omuñwi cwalo,” boo cwale ki bumaswe. Haiba Ni na mwanake wa mushimani kuli ashwele bumaswe bo Ni bulezi, niteñi haiba kuba swanelo. Kuna ni fela swanelo iliñwi ye Ni kona kueza, ki kunga sibaka sa hae, haiba Ni bata ku mu pilisa.

36 Mi Mulimu una ni kuba nama, kuli ayeme mwa sibaka sa muezalibi; Mulimu na bonahalile mwa nama, ne si nto isili kono ki Mulimu Kasibili. Cwale, ki yo Na li faa, a bonahala mwa nama, kuli alwale libi za lifasi. Mi A itibahaza Iliyena ku luna, kuli lukone ku itibahaza ku Yena. Mwa bona mulelo wa zona?

37 Cwale lu fumana zibahazo ya luna ni Sitabelo sa luna, Bupilo bwa Sitabelo ku luna, ili ona Moya o Kenile. Cwale selu yani ha i to pwaceha, ya tahisa Mulimu, kutahisa Mulimu, mi A kenisa sicaba ka Mali a Hae Tota ni kubeya Mulimu ku mutu hape. Mulimu ku mina, Bupilo Bobusafeli!

38 Mi munituti wa Mugerike kaufela wa ziba linzwi leo, Bupilo Bobusafeli, li zwa kwa linzwi la Z-o-e, Zoe, le li talusa kuli “Bupilo bwa Mulimu Sakata.” Yeo ki niti. Nzila inosi fela yo kona kuba ni Bupilo ka yona, kuna ni fela mufuta ulimuñwi wa Bupilo Bobusafeli, mi boo ki Bupilo bwa Mulimu Tota ku wena. Mwabona? Kipeto una ni Bupilo Bobusafeli, kakuli ki Yena fela Kuyakuile ko kuliteni. Mi luna lu milelo ya mihupulo ya Hae, kale mane kusikaba ni mutomo wa lifasi kamba sika kaufela. Ze kaufela ki minahano ya Hae fela, mi luna lu ponahazo ya mihupulo ya Hae ya zeo nelili zona.

39 Mi Nana ni kutaha fafasi kuli akone kutakula sibi. Hakuna mutu usili yana kona kuli eza. Nekusina ya na swanela ku li eza. Hakuna ya na ka lieza konji Yena, mi A li eza. Mi cwale Bupilo bwani ha bu to tamululwa mwa mubili wani, Mutu, yanali Mwana a Mulimu; mata a Hae a kubupa aeza muyaho, inge muyahi ufi kaufela, ayaha muyaho wa Na keni ku ona, Yena luli. Mulimu aeza cwalo.

40 Mi cwale bupilo bwani ha bu ngiwa, Mali, buino bwa bufubelu bwa Ona, a suluhela fafasi, kuswana fela inge a Abele mwa na suluhezi fafasi. Kono kuzwa ku ona Mali ani kwataha Moya o Kenile wa Mulimu, mi wani wa lumelwa ku mutu ka Lizazi la Pentekota, kuli aitibahaze ka Sitabelo sene si mushwezi. Hakuna mukwa usili mwa lifasi o lukona kuba ni zona. Kwanda Zibahazo ye lukile!

41 Amutalime, haiba no na ni mulatu wa lifu, mi uziba kuli u ya kwa sipula sa malaiti. Mi muhupule, ku hana . . .

42 Dallas, teezeza! Kuhana Mali a Jesu Kreste, Zibahazo ya Mali a Hae, ha u A bona ni ku A hana, u ka libana ni Katulo una ni Mali a Hae mwa mazoho a hao. Muezalibi, membala wa keleke, uhupule cwalo.

43 Kucwañi haiba Lee Oswald na ka kona, mazazi nyana fela, mi ni kufufulelwa kwani fapila Kuta Yetuna yana libelezi kutalima yani; mi aziba, kuzwa kwa kubulaya Muteleli wa naha, kuli ne si ke kwaba neba siemba silisiñwi sa sishemo, muuna yani mwa na utwezi! I lukela kuba nto ye sabisa. Na si ka li katana, kakuli mutu yomuñwi na mu kunupile. Kono munahane ka kuina mwani fapila Kuta Yetuna ye buhali, ni mali a mulikana hao mwa mazoho a hao, ili Muteleli wa United States! Yeo ikona kuba nto yebunolo, ku mina sicaba babalika kufitelela Mali a Jesu Krete, ha mu ka yo yema mwa likuta za Mulimu. Mutundamene katata hamuse mu zibile. Oswald hakuna za na kaeza kufita kusiya bupilo ka yena, kono Mulimu uku kauhanya Kuyakuile kuzwa Fapila Hae. I kaba nto yesabisa. Mulemuhe.

44 Haiba una ni kutaha kwa kuta, bakeñisa kuba ni mulatu, nemuka bata muyemeli yomunde wa milao yakona kufumanwa. Mutu kaufela na ka eza cwalo.

45 Mi mutu kaufela ya pepilwe mwa lifasi, Hanina taba kamba u zwa mwa lapa lelicwani, una ni mulatu wa Mali a Jesu Krete konji pili a amuhele swalelo yateni. Mi nzila fela inosi yo ziba kuli swalelo i lukile, ki foo Zibahazo ha i Ipeya ku wena, mi ukaba ni Zibahazo.

46 Mulemuhe, una ni mulatu, mi uka bata bata muyemeli wa milao ya sikwala yo ka bata kuli u yo biza taba ya hao. Mi haiba Ni ya kwa Katulo ya Mulimu, Ha ni tokwi muprisita ni yomukana, Ha ni tokwi mutu ni yomukana; Ni bata muyemeli ya sikwala ye Ni kona kubiha taba yaka kwateni.

47 Mutuhele ni bulele se, ku wena, mulikani wa Mukreste. Muyemeli wa luna hape ki yena muatuli, mi mu—mu muatuli atoba muyemeli. Taba ifelile ha lu amuhela swalelo ya Hae. Muatuli yena Kasibili ataha mi atoa muyemeli, mi muyemeli ni muatuli ki Mutu yaswana. Mulimu aba mutu, kuli Akone ku lukisa mutu ka lifu la Hae Tota la Na beile ku yena. Haleluya! Seo sitalusa kuli, kulumbwe Mulimu wa luna! Wa swanela milumbeko kaufela. Muatuli wa luna ni muyemeli ki Mutu ya swana.

48 Moya o Kenile ki yona Zibahazo yakuli lu swalezwi. Taba i kwalilwe. Ku muuna kaufela ni musali ya amuhezi kolobezo ya Moya o Kenile ka niti, u likilwe, u pakilwe ka muyemeli wa hae, ni muatuli wa hae, ni sitabelo sa hae, ni Zibahazo ya sweli mwa sibaka sa hae ibonisa kuli musipili wa hae u lifilwe kuya kwa Kanya. Amen. Liteni kaufela. U sweli Zibahazo yeo. Ki ya hae, yona kolobezo ya Moya o Kenile, ili paki ya zuho ya Jesu. Amen. Kana wa lumela cwalo? [Kopano ili, “Amen.”—Mu.] Koo kona kuitibahaza kwa hao, u sweli Zibahazo.

49 Cwale haiba hauna Zibahazo yeo, hauna kukena mwahali. U lukela kuba ni Zibahazo. Yani kona teko ye tokwahala, “Ha

Ni bona mali, mali kona zibahazo. Ha Ni bona mali, Ni ka mi fitelela.” Mu lukela kuba ni Zibahazo. Haiba hauna yona, kiñi, hauna ku yokena. U na ni kuba ni Zibahazo.

⁵⁰ Kambe zibahazo ne i si ka boniswa, zibahazo ha ne isika boniswa kwani, kipeto ni bulikani ne busina mata. Mu li, “Kihande, cwale, Muzwale Branham, cwale libelela fela ka muzuzu.” Yeo luli ki niti.

⁵¹ Zibahazo ne ili fahalimwa bulikani. Kakuli Isilaele neina ni bulikani bwa kukena mwa mupato, mi Mujuda kaufela na zwela fande ku yo bonisa mutu kaufela, “Na kona ku mi bonisa kuli Ni keni mupato, Ni Mujuda na, Ni keni mupato kuya ka taelo za Jehova,” kono niteñi zeo ne li si ka mu paleliswa haiba zibahazo neisiyo teñi. Na lukela kubonisa zibahazo. Mwa utwa kana? [Kopano ili, “Amen.”—Mu.] U . . . Zibahazo ina ni kubateñi, nihakuli cwalo. Mi haiba u mwa bulikani . . . Haiba Mujuda ukali, “Hanina kulamba mali fa sikwalo saka, Ni kona kubonisa kuli Ni Mujuda wa bulikani,” Lingeloi la lifu ne li mu ngile. Hakuna taba ka mwa na bezi ya likute, kamba nali membala wa keleke ya cwani, kamba na lifanga zabolishumi hakai, mwa na bulelela kuli na lumela ku Jehova; Jehova na tokwa yona zibahazo yani.

⁵² Mi Yena ki mwa ezeza ni kacenu, hape. Ku lukela kuba cwalo. Kuna ni kuba, “Kakuli hakuna nzila yeñwi mwatasa Lihalimu, hakuna libizo lisili le li filwe nzila isili,” hakuna taba kamba u yomunde cwani, kamba ki wa maoyo a cwani. Zibahazo yani ina ni kuba teñi, ni kuboniswa.

⁵³ “Mali,” mu li, “kihande, Ni bulaile ngunyana mi Ni ibeile mwa ndondo. Ni itomile kwa mulaho kwani.” Ha ki sona sa Na bulezi. A lukela kulambiwa fa musumo wa sikwalo. A lukela ku bonahazwa.

⁵⁴ Mi bupilo bwa hao buna ni kubonahalisa Zibahazo ku wena. Oh, mina Mapentekota, ki butata mañi bo munani? Kukuta milili, lifateho ze pentilwe, muuna, lisheha la masila ni lika zeñwi, ko kuna ni ponahazo ya Mali a Mulena ka Jesu Krete ki yona Zibahazo ya Moya o Kenile? Wena, kakuba ni mufuta wa bulapeli, ni kubiza “buloi” ni lika kaufela, misebezi ya Mulimu, “buloi.” U bonisa cwani zibahazo?

⁵⁵ Ba li, “Ni wa Pente- . . .” Ha nina taba kamba u mañi. “Ni wa Baptist. Ni wa Pres- . . .” Hanina taha ka soli sona. Zibahazo yani ina ni kubatani. Mulimu wa I tokwa, mi hakuna sika sisili kwanda yona.

⁵⁶ Mu li, “Kihande, Ni na ni za dokota.” Hanina taba kamba una ni ma digiri amakai. Mulimu utokwa ona Zibahazo yani, mi ki Yona inosi fela. Ki sisupo sa kuli nzila ya hao ilifilwe. Haana kunga mapepa a lituto za hao kamba nto isili fela. Una ni kuba ni yona Zibahazo yani.

57 Ndilaiba wa mbasi ukali, “Kiye, libelela fa muzuzu, yeo ha ki zibahazo yaka.”

58 Muuna wa fulai u kali, “Kihande, zwela kwande cwale.” Tikiti kona zibahazo. Zwela kwani u bulelele mufufisi wa fulai, “Kiye, Ni bata kukena fulai ya hao. Ki bukai kana?”

“Kena u yo amuhela zibahazo ya hao.”

“Oh, Ni ka ku lifa.”

59 “Ha nina ku i amuhela. Hauna ku kwela mwa fulai yaka konji ha u ka lifa tifo ni kuba ni zibahazo. Ni bata zibahazo.”

Mu li, “Khande, Ni keni sikolo. Ni ezize sa *kuli*. Ni . . .”

60 Hanina taba ka zoezie, u lukela kuba ni Zibahazo ku si cwalo hauna kukwela. Amen ni amen. Kana ha muboni nji? Mulimu utokwa Zibahazo. “Ha Ni bona mali, mi konji fela Ni ka mi fitelela ha Ni ta bona zibahazo.”

61 Ne i si ka bonahaliswa, bulikani mane ne bu si na mata foo. Mujuda wakona kubulela ni ku iponisa cwalo ka—kuba ka Mujuda yakeni mwa mupato, na kanga mizwale ni kubulela kuli, “Amutalime fa, Ni keni mwa mupato.” Seo ne si sa talusi sika.

62 Mu li, “Ni wa Methodist. Ni wa Baptist. Ni wa Pentekota. Ni wa se. Ni sa *kuli*.” Seo ha si talusi nihaiba sika.

63 U lukela kuba ni Zibahazo. Mi cwale Zibahazo ha itaha, I paka za Kreste. Na bulezi kuli I ka ba cwalo. Mi Kreste ki yena Linzwi. Mi ukona cwani kulatula kuli Bibebe ki ya niti, siemba sa Yona, mi niteñi u bulelele kuli una ni Zibahazo, mi haiba Zibahazo kona bupaki bwa Jesu Kreste? Mwabona, zeo kona ze Ni komoka.

64 “Oh,” muli, “Ha ni lumeli, Ni lumela kuli mazazi a limakazo. . .” Oh, amutalime, hakuna Zibahazo mwateni. Zibahazo i alaba kwa Linzwi kuli “amen,” kwa lika kaufela, kakuli ki Mulimu kasibili. Mwabona? Ku lukile.

65 Kono haiba zibahazo ne i si yo teñi, kipeto bulikani nebusina mata. Ne bu felisizwe. Kwaswana ni cwale! Hakuna taba kamo—kamo u bulelelela, ka mo ka bulelelela kuli, “Ni lumela Linzwi kaufela mwa Bibebe,” muli, “Muzwale Branham, Na—Na kona kubulela ka kupeta licika la Bibebe, Bibebe kaufela, ka pilu. Ni lumela siemba sa Yona kaufela.” Zeo ki zende. Satani ki mwa ezezanga, ni yena. Uh-huh. Si lwala Zibahazo!

66 “Kihande, Muzwale Branham, Nina ni limota laka litezi fela madigiri. Ni Muika wa Lituto, mi Ni nani digiri ya dokota, hape ni LLD. ya si Latin. Mi, oh, Ni ñozi libuka. Ni ezize sa kuli. Ni ezize lika kaufela. Ni—Ni ezize lika ze kaufela.” Hanina taba. Zeo kaufela ki zende, kono niteñi una ni kuba ni Zibahazo. Zibahazo, niteñi Zibahazo ne i tokwahala!

67 Mu li, “Ni munituti wa Bibeले. Ni mu—Ni mutu yomunde. Ni se, *sani*.” Zeo zakona kuba hande, kaufela ki zende, kono niteñi ku lukela kuba ni Zibahazo!

68 Cwale, lifu ne li li bukaufi ni kunata Egepita ka nako kaufela, mi kacwalo lifu lifa kaufi ni kunata naha ka nako kaufela.

69 Anna Jeanne, Ni ikutwa nto yeñwi inge bondahabo, ne ba bulezi taba yeñwi nako yeñwi. Na ilata pulelo yateni. Ne baize, “Mwa ziba, naha ye, ka libi zeswana, haiba Mulimu atuhelela America kuya mutakafululele ni zasweli kueza, U ka tokwahala kuzusa Sodomā ni Gomora ni kukupa swalelo ku bona, ka kuba cisa.” Mi yeo ki niti.

70 Muhupule, Isilaele na lifile ka sibi kaufela sa na ezize, mi ni luna luka lifa. Lu zamaya cwani ka busuleni cwana? Amutamise lilwaniso! A mukutele ku Mulimu, keleke! Ha ni buleli lika ze ka kubata kuba ya shutani. Ni mi bulelela zona ka kuba temuso. Mu lumele!

71 Lifu ne li li bukaufi ni kuwa. Mulimu a ba bonisa muhau wa Hae ni sishemo sa Hae, ka mata ni lisupo ni zekomokisa (kona Mwa ezelize kacenu a si ka zwise kale sicaba kwande), niteñi ha ba si ka lata kubaka ni kulumela liñusa.

72 Mwabona, nekuna ni liñusa kusikaba kale kuungelwa kwa keleke. Kamita kuna ni kuba. Kinto yeswana ni cwale. Kezahalo ya moya kaufela ki sisupo se sizwa ku Mulimu. Kana mwa lumela cwalo? [Kopano ili, “Amen.”—Mu.] Kuswana sina Liñusa, kuna ni sisupo mi kipeto Liñusa li latelela sisupo. Mulimu na bulelezi Mushe, ali, “Haiba habana kulumela linzwi la sisupo sapili, mwendi ba ka lumela linzwi la sisupo sa bubeli.”

73 Cwale, ha mubona lisupo ha liezahala, mi kusina liñusa mwa mulaho wa sona, sikolo sa kale fela sesiswana sa bulapeli ni kutaha cwalo, seo ha si zwi ku Mulimu. Kono hakuna ni sisupo se si boniswa, Liñusa li ka si latelela. Cwale amutalime. Jesu ana tile. . .

74 Kana Na mi tiba mazebe? Kamba ki mañi kaufela yali fa maikulofoni kwanu, i utwahala kuli isweli kukuta kwa mulaho. Mwendi i pahami hahulu kwa mulumo. Ni bata kuli mu li utwe.

75 Mi Jesu ha na tile, Na si ka bulela zeñata hahulu kwa sicaba, mañi ni mañi na Mu bata mwa keleke ya hae. “Oh, Mupolofita wa mwanana yo, lu tabile hahulu ka kuba ni Yena.” Na sweli kufolisa bakuli. “Oh, kanya ku Mulimu. Mulimu ha na tize Muuna yomutuna mwahala luna.” Sani neli sesinde. Kacwalo zazi leliñwi za taha fa sibaka foo. . . Sani ne li sisupo sa Hae.

76 Isaya 35 ibulela kuli kukaba sisupo. “Lihole lika tulaka sina tolo,” ni zeñwi cwalo, “libofu li ka bona.” Ne li sisupo.

77 Na bonisize sisupo sa Hae kakuba Mesia, ni zeñwi cwalo. Mi bona, buñata bwa bona, bali, “Eeni, Na kona kulatelela zeo.”

Kihande, cwale, haiba sani neli sisupo, ku luleka kuba linzwi la sisuo seo. Linzwi neli lifi la mwa mulaho a sona? Ha Na kalile kuluta tuto ya Hae ni ku ba biza sishañata sa linoha mwa bucwani. A tokwa kuba yana ni kabubo kuzwa fani kuya kwapili, mwabona, linzwi ha litaha ni sisupo. Sisupo kona se ne si itahanela pili.

⁷⁸ Mushe aya kwa Egepita ni sisupo. Mi a nepela mulamu wa hae fafasi, wa fetuha noha. Sani neli sisupo. Kono kasamulaho nyana, linzwi la taha hape ni susupo. Mi se ku shutana. Mwabona, ha balati seo. Ki—ki linzwi, lilukela kuba cwalo, kulatelela sisupo. Mi hakuna nako niheba yekana ye li kile za taha konji ka nako yani, kakuli neli nako ya kutalelezwa kwa Mañolo. Mutalime sa Na mu bulelezi, mwa sicaca se situka, “Ni boni sitongo ni kuutwa sicaba sa Ka, mi ni boni ni manyando a bona ka bazamaisi ba Egepita, mi Ni hupuzi sepiso ya Ka ye Ni kile nafa Abrahamama.” Myaha ye mianda yemine ha se ifelile, ki Ha bulelela Abrahamama kuli bakaba kwani. Mwabona, hakuna nako isili ye ne kaba yona. Mushe nana ni kutaha ka yona yani.

⁷⁹ Waci yetuna ya Mulimu i beleka hande. Haina kumata ka muzuzu ulimuñwi kamba kusiyala muzuzu ulimuñwi mwa mulaho. I kaba fela ka kuzamaelela ni nako. Kihande, kuli, mu bone, lika kaufela ne lisweli fela kuzamaya hande, ne lisa tahi ka linako lisili.

⁸⁰ Mane lika ze halikoni kutaha ka linako lisili. Se ne sisike sa taha mwa mazazi a Luther. Ne lisike za taha mwa mazazi a Wesley. Mazazi a ba Baptist kamba ba Methodist mwa mazazi a bona, nelisike za taha. Li na ni kutaha cwale. Isilaele una ni kuba naha. Likeleke lina ni kuba mo liinezi cwale. Nekuna ni kuba liñusa la bulalu, lusika lwa keleke ya bulalu. Ne ku lukela kuba Laodesia. Neli sika ezahala konji Pentekota haitaha ni kubonisa mukwa wa bona, ni kuzwela kwande ku yo ikonga kongu, ni kuzwa ze ne ba ezize. Kona kuli ina ni kutaha, mi kipeto kutahe Mulena, ha ba Mu lelelela kwande a keleke. Ki yena Linzwi.

⁸¹ Ba saba kukananisa Linzwi lani nihakuli cwalo. Baina fela inge ba kuzize ka Zona, kono niteñi ba sa kanana ka zona.

⁸² Chicago, kwanu ha ki kale hahulu, fani Mulena ha ni fa pono. Ne ni bile ni bakutazi ba bamashumi amalalu kulo kwani. Se nili, “Cwale Ni ziba ze muka. . . Ka za peu ya noha, ni zeñwi cwalo,” Se nili, “alimuñwi wa mina ange Bibebe mi ayeme kwatuko ni na mi akanane.” Sikwata se sikuzize hahulu ku ze ni kile nautwa fateni. Se nili, “Kona kuli amuzwe ku na.” Mwabona, li zwa mwa sikolo sa kunahana.

⁸³ Ibo, ba li, “Muzwale Branham ki mupolofita ha tozizwe, kono haiba tozo izwa ku wena, oh, Ha ni zibi.” Ha ki. . . Haiba seo ha ki sisupo sa—sa—sa—sa muituti wa za bulapeli ya lyangani! Ki yona. . .

⁸⁴ Linzwi la kuli *mupolofita* litalusa “musinuli wa Bumulimu ya sinula Linzwi.” Linzwi la Mulena litahanga kwa bapolofita. Kona mwa na zibahalela Jesu. Mi se ba bulela kasamulaho wa zuho, ba li, “Lu ziba kuli Na li mupolofita wa Mulimu, mwabona, hakuna mutu yakona kueza lika ze konji haiba Mulimu una ni yena,” kono ne ba sa amuheli liñusa la Hae. Ne ba si ka amuhela Joani, mi na li mupolofita. Ne ba si ka amuhela Elia, hakuna ni yomukana wa bona, mi nebana ni sinulo ya Bumulimu.

⁸⁵ Linzwi leo, linzwi la Sikuwa, *mupolofita*, manzwi a Sikuwa akona kutalusa sika kaufela, li talusa “mukutazi.” Kono ha mu bulela kuli *mupolofita*, ka Bibeke ya kale, ne li talusa “muboni.” Mi mapampili a hae neli, kuli, sa na bulela ha si ezahala, mi sani neli sona sisupo sa kuli na li mupolofita; ni yena yanali sisupo sakuli nana ni sinulo ya Bumulimu ya Linzwi le liñozwi. Mi kipeto Mulimu wa li yemela, kwa mulaho wa hae, ku li paka.

⁸⁶ Cwani? Kihande, li lukela fela kuba ka nzila yeo, ku felile. Hakuna nzila isili ya kupotoloha lika. Mulimu na bulezi kuli ku kaba ona cwalo, mi ki fo he cwale. Kono ki leo foo kacenu, mwabona, Zibahazo yani ina ni kuba fani, seo si bonisa Linzwi ni ku lieza kuba la niti luli. Ni mwa Na sepiselize zeo, mwa Na lukiselize sicaba sa Hae mwa naha ya sepišo, cwale, ha Na kaba ni musipili wo, wo noli fela mufuta.

⁸⁷ Cwale Ni ka lika kufeza mwendi ka mizuzu ye lishumi ni ye ketalizoho yetatama, mizuzu ye mashumi amabeli, ni Liñusa. Mulemuhe ka tokomelo cwale, Ni bata kuli muutwisise taba ye, kakuli hakuna Hanina ku mi bona hape, mwabona.

Mulemuhe, cwale mutalime mwa Na lukiselize sicaba sa Hae.

⁸⁸ Ki ba bakai ba baziba kuli Ha cinci linzila za Hae? Yena batili ha cinci. [Kopano ili, “Amen.”—Mu.] Yena u. . .cwale amutalime mwa Bibeke mi mubone haba Akile a li cinca. Batili, sha.

⁸⁹ Cwale Na lukisize cwani sicaba? Pili, Na lumile mupolofita ni sisupo, yanali Mushe. Kana ku cwalo? [Kopano ili, “Amen.”—Mu.] Mi sisupo nesina ni liñusa, liñusa la “ku itukisa,” ne ba zwela kwa naha ye sepisizwe. Mi Aba ni zibahazo, ya mupolofita yoo, kuli Liseli ne li li fahalimwa hae. Siita sa Mulilo ne si latelela mupolofita yoo, lwa ziba cwalo, sa zamaya mwa lihalaupa ni Mushe. Lwa ziba cwalo. Mi ki Ha bafa zibahazo ya kukolwa kuli ne ba sa lukeli kusaba, kaufela ba filikana ni kuikalelwa; fa Na bulezi kuli, “Ha Ni bona zibahazo yani, Ni ka mi fitelela.”

⁹⁰ Mutalime mwa Na ezelize cwale. A lukisa sisupo pili, ili mulumiwa, liñusa le li zibahalile, kuzibahala kwa mulumiwa, ni zibahazo ka ku kolwa kuli nzila ne i lifilwe. Ba libile kwa naha ya sepišo.

91 Nto yeswana U i ezize ni kacenu! Ki sikamañi sa Na ezize? U lu lumezi Moya o Kenile. Moya o Kenile ki yena Mulumiwa, mi ponahazo ya Mañolo ya Hae luli i bonisa Yena mwahala luna, ya swana maabani, kacenu, ni kuyakuile. Mi Zibahazo kona sepiso. Lu saba sikamañi? Tifo ya musipili wa luna ilifilwe kale mi lu zibahala ka Sitabelo sa luna. Ha koni ku ku hana. U sepizize ona cwalo. Luna ni ze luyemela.

92 Isilaele ka kuzwa mwa Egepita, sina ha Ni bulezi, inge—inge Munyaliwa ya zwa mwa keleke. Mi Mushe hakalisa bulumiwa bwa hae, Isilaele kaufela akopanela mwa Goshen, kwa litapelo ni milumbeko, kiniti, ba zwa kwa libaka kaufela za Egepita. Cwalo kona mo aka ezeza Munyaliwa, uka zwa mwahala ba Oneness kaufela, Twoness, Threeness, ni mifuta yeñwi kaufela. U ka zwa mwateni. Kuna ni kuba cwalo. Cwale lubala mo mwa Maheberu ka . . . Lwa ziba, nto yapili ye luna ni kuhupula, kuzwa mwa liemba kaufela, “Amuzwe mwahala ku sa lumela.” Cwale Moya o Kenile no sepisize kubiza zeo mwa mazazi a amaungulo, “Amuzwe mwahala ba ba salumeli.” Mulemuhe.

93 Lu fumana cwana mwa Maheberu 10:26, Ni i ñozi fa, i bulela cwana, “Haiba lueza sibi kasamulaho lu amuhela zibo ya Niti, hakusana sitabelo sa sibi,” mwabona, haiba u sa lumeli ka kulata.

94 Cwale haiba mu ka lemuha, ki sikamañi se Ni kona kubulela fa, haiba mu ka ni fa nako nyana kuli Ni si tatulule. Na ikutwa mwa Moya, ha si si ka zamaelela hande. Mwabona? Mulemuhe.

95 Ki ba Maheberu, ba mwa musipili wa bona ba zwa. Mulimu na ketile baana baba lishumi ka bababeli, Mushe ki yena yana ketile, ka lizoho la Mulimu, ku yo twela naha; mi ha ba yo kuta, batisa zibahazo ya mwa naha. Mi ha ba yo punya kwani, ba lishumi ba bona ba kenelwa ki sabo kuisa lifu. “Kiñi,” se bali, “ma Amaleke bani kwani, lu bonahala inge limbimba ku bona.” Joshua ni Kaleb ha ba yo kuta, ba taha ni bupaki bwa kuli, “Lwakona ku hapa!”

96 Mwa bona, bao ki balumeli ba sihalihali. Nebatile ka linzila ze shutana ze, ni ka keleke, ni kuikopanya kwa keleke, ni likolobezo ni mikwa yeñwi. Kono ha litaha ku za kusilela mwabuse ku yo nga Zibahazo, bupaki bwa kuli Naha i teni, Bupilo bwani . . . Jesu Krete ha si ka shwa. Ki kalulo isili. Ya pila ku yona. U ina ni luna, Una ni luna. Ha li fita ku zeo, “ah,” ne ba si ka lumela cwalo. Zeo neli zetuna hahulu, mwa bona. Mi ha ba yo kuta, mi bona, mañi ni mañi a shwela mwa lihalaupa, hakuna ni yomukana wa bona yana silezi mwabuse. Mi, amubone, haiba lu sa lumeli, luna ba Methodist, Baptist, Presbyterian!

97 Ni sepa kuli muluti waka wa kale uteni mo kacenu. Dokota Roy E. Davies, buñata bwa mina mwa muziba, ona kwanu kwa Fort Wortg, mwendi uteni mo. Na hupula ne lu ambozi litaba

ze, lilimo zeñata, ñata kafoo. Na ni kolobelize mwa tumelo, Mukutazi wa keleke ya Baptist.

⁹⁸ Mi amutalime, mwahali mo, cwale, haiba lu . . . haiba—haiba lutaha fa sihalihali foo, luli, “Kihande, kanya ku Mulimu, Ni bulezi ka malimi, haleluya.” Ha ki zona. Haiba u ka bulela kuli, ku sa lumela neku lifi kaufela la Linzwi lani, kuna ni se si fosahalile ni kutwisiso ya hao. Mwabona?

⁹⁹ Mutahe mukene mwa Naha ni mubone kuli imwateni. Mu kabona kuli Jesu u zuhile. U mwahala luna. Mu utwa Linzwi le li latelela liñusa lani, kono niteñi ha mu Li lumeli, mwa ziba sene si ezahalile? Mi se ba shwela mwa lihalaupa. “Haiba lueza sibi kaboomu kasamulaho lu amuhela zibo ya Niti, hakusana sitabelo sa sibi.” Kona se i lu bulelela Buka ya Maheberu.

¹⁰⁰ Mi cwale amutalime, halunze lubona lisupo zetuna za nako ya maungulo mwa lifasi, za Ha sepisize, ha li lu lemusa ka butuna kuli nako i fakaufi. Mutuhele ku sa lumela. Mutahe hamoho. Lu lukela kulatana ni kulumela, ni ku kauhana ni lifasi.

¹⁰¹ Mulemuhe, ne ba sa tahi fela hamoho ni kubulela fa liñusa. Neba lukela kukena ku lona, kuba mwatasi a mali. Ha ki kutaha kubulela kuli, “Mwa ziba, Mushe u lu bulelezi. Mulumiwa, na ize, u lu bulelezi kuli lu lukela kuba ni mali. Mu nahana sikamañi ka zona, bashimani?” Ne si cwalo. Munge ngunyana mubulaye, mi musase mali fahalimu foo!

¹⁰² Lwakona kutaha ni kuina ni ku lumelelana fa Linzwi, ni lika zeñwi kaufela, kono haluna Zibahazo yani, ki bunde mañi bo lunani? Hakuna bunde. Amuine mwatasa Ona. Na sina mulatu wa mutu ya na siyo mwatasi a mali ani. Mi Hana mulatu wa mutu ufi kaufela, kacenu, yazwile mwatasa Zibahazo yani.

¹⁰³ Lubasi kaufela, neba iketile haibile nebali mwatasa zibahazo, mi zibahazo ne i bonahaliswa. Lubasi kaufela! Kana mwa lumela cwalo? [Kopano ili, “Amen.”—Mu.] Kacenu lu swanela kuhupula cwalo, sicaba. Bana ba luna!

¹⁰⁴ Mi banana babanca balikuba ni za rock-ni-roll, ni lika zelufita ku zona, ni ba ma Beatles kaufela mo ni likokwani, mi kana mwa ziba kuli kaufela lina ni ze liyemela mwa Buka, ya Bible? Ya bulela cwalo mwa Sinulo. Kiniti, ya bulela. Kuli sicaba, sona, kiba—kiba . . . kiba, kiba, mwabona, kiba, kiba habayo . . . Ki ba bashwile. Habakoni ku zuha. Ne ba si ba Kuyakuile. Ne ba si yo mane ni mwa Munahano, kona kuli ba ka shwa. Ba ka latehelela kuyakuile, ka kufelelela ba ka bulawa. Ba ka fiwa koto ka nako ye eza aeons, ka se ba ezize, kono sika kaufela se sina ni makalelo sina ni mafelelezo.

¹⁰⁵ Ki lika zesina makalelo, kona zesina mafelelezo. Kuna ni fela mufuta ulimuñwi wa Bupilo Bobusafeli. Mufuta ulimuñwi wa Bupilo Bobusafeli, lu ikatazo ka zeo. Mulemuhe.

106 Joshua, kauhanyo ya 2 ya Joshua, wa lihule la Bamacaba ya lumela na utwile, ni lubasi lwa hae, ni kubatisa mwatasa lisila lelifubelu, yeneli zibahazo yene tahile ni balumiwa ba Joshua. Lingeloi la Mulimu le li bulaya la tokomela zibahazo yani, ni sinosi fela, mwa muleneñi wani. Sani kona sa na tokwa Mulimu, ka batanga ba Hae, kuli Mulimu na bata zibahazo yee, mi ki yona inosi fela. Hanina taba kamba na li muyemeli wa tolopo, haiba nali muuna ya kenisile kufitisisa mwa tolopo, kamba nebali mwa keleke yetuna hahulu yamwa tolopo, lika kaufela mwa muleneñi za wa kwanda yona ndu yani. Mulimu, anisi, a talima zibahazo yani.

107 Mulemuhe, Jeriko na utwile kuli Mulimu nasweli kueza lika zetuna, kono ne ba si ka iseza ngana kwa temuso.

108 Ki mo bainezi ni batu kacenu bautwa za sweli kueza Mulimu ka myaha nyana yesiyezi, kono habana ku li tokomela. Ona mata amatuna a muhau aa ni lisupo, sina mwa Na sepiselize kuli, “sina mo ne kuinezi mwa mazazi a Sodoma, kona mo ku ka bela.” Mwa Na sepiselize kuli lika zani kona mo li kabela! Mubone se ne singile sibaka mwa Sodoma. Muhupule, nekuna ni sisupo sa Sodoma. Kono mulumuwa, wa Malaki 4, ulukela ku “nga lipilu za sicaba kukutela kwa bashemi, bashemi ba mapentekota, kukutela kwa Bibebe.” Hakukoni kuba Bibebe hape, sika sisili. Ye ki yona sinulo kaufela ya Mulimu.

109 Mi yomuñwi uli, “Kihande, Ni lumela siemba se, Ha ni zibi ka Sani.”

110 Mulumiwa wa luli wa Mulimu uka mi isa kwa Sika sesitezi! Mwabona? Mulemuhe, seo kona sa eza Moya o Kenile, ku mi kutiseza kwa Linzwi la Mulimu.

111 Muhau wa hae no bonahalizwe, katulo ya Hae ne itatama. Ba lukela kulumela kuli nebaiketile mwa miyaho yabona yemituna ya likopano nebana ni yona mwa Jeriko mwani, kono ba fumana kuli ne isika beleka.

112 Ku lukela kuba babañwi ba . . . mwendi bene bakeni mwateni ka nzila yeñwi, nekuna ni bashimani bababeli bene bakeni mwateni, mi ba bulelelwa kuli bange peu yene leliwwe cimo yani hamoho. Mi ki haba . . . mi aitusisa ndu ya hae kuba keleke, ni kuamuhela balumiwa; mi ki hanga kaufela ba mwa muleneñi, bene ba ka lumela, baina mwatasa zibahazo.

113 Musali alimuñwi mwa naha tuna yani! Musali nyana alimuñwi, mi ili wa libubo lelimaswe, lubulele kuli na ketululwa kwa keleke kaufela ya mwa muleneñi, kono na lumela mulumiwa yani. Mi mulumiwa yani asiya zibahazo, sisupo, mi Mulimu a tokomela zibahazo yani. Kona mo kuinezi ni kacenu. Muhupule fela, buhali bwa Mulimu bo businya bwa taha, mulao omutuna wani wawa, zibahazo ya buluka ndu ya hae mwa buiketo. Haki kuli neli musali yomunde; kakuli nana ni tumelo mi abeya zibahazo.

114 Cwale kucwani kambe na ka bulela kuli, “Eehe, bani ki baana babande, kaniti Ni ikozi liñusa le ba kutalize. Kono, ka kusepahala, li utwahala kuba bukuba kuba ni muhala o lepelela fa lihaul. Ni ka u hohela fela mwahali.” Ne u ka wa. Ne u ka wa. Mulimu fela na tokomela zibahazo, kuswana ni zibahazo yeli mwa Egepita.

115 Joshua na li mufuta wa Jesu, kakuli *Joshua* italusa “Jehova-mupulusi.” Na li mufuta wa Jesu, na sepahala kwa zibahazo ya liswayo la mulumiwa lana kutalize. Joshua apila ka niti kwa zibahazo ya sisupo yani. Bene bali mwatasi kaufela ba piliswa, mwa Egepita. Ba mwatasi a yona kaufela ba piliswa, mwa Jeriko.

116 Mali a Ngunyana kona mufuta wa kacenu wa Zibahazo, kuli Moya o Kenile kona Zibahazo ya kacenu. Babali mwatasi a Yona kaufela baiketile. Kaufela babali kwande a Yona habana silelezo. Mwa Maheberu 13:10 ni 20, I bizwa kuli “bulikani bwa kuyakuile.” Bulikani bwa kale neli nto iliñwi, bo ki bobu Nca, bo ki “bulikani bwa kuyakuile.”

117 Mulimu, lisepiso za Mulimu ze tamilwe ka Mali, za lu tamulula kwa sibi ni maswabi, ni kuba baba shutani ni babañwi ba lifasi. Ha u lukeli kutina ka kushutana; mutu kaufela wakona kutina ka kushutana. Una ni kuba cwalo, mwahali, uli ya shutana. Bupilo bu mwahali; ha ki mutinelo, kutina. “Mubuso wa Mulimu ha ki nama ni kunwa, kamba kutina liapalo; kono ki pilutelele, bunde, musa, tibeledo, mwa Moya o Kenile.”

118 Cwale, lisepiso li lukulula kwa sibi, kubonisa kuli Mulimu ha—ha talimi fa sibi sa hao. Davida naize, “U fuyozwi mutu yoo Mulimu a sa baleli sibi.” Mi Mulimu haana kubeya sibi fa Zibahazo yani, kakuli Zibahazo ki sisupo se si lililwe kuli Mulimu u si amuhezi kale. Mi una ni zibahazo ya yona, ya mak-. . . tumelo ya hao i lekile kale. Mi una ni teko ya mo ilekezwi puluso ya hao mwa mubili wa hao, ya ku Mu lapela ni kubonisa lisepiso za Hae ni mata.

119 *Testamente Yenca* italusa “bulikani bobunca.” *Mali* ataluta “Bupilo.” *Testamente Yenca* ki testamente ya Moya o Kenile, Moya o Kenile ufa bupaki bwa ba zusize Jesu Kreste kwa bafu, neli kubonisa kuli Jesu ufutile fa lika zaluna zelutokwa, mi wa pila kacenu. Zibahazo ipaka kuli Wa pila ka kuitibahaza Iliyena ni luna, kuya ka sepiso ya Hae. Cwale mutu ukona cwani kubala Bibe ni kubona kuli Na sepisize ona cwalo, ni kubona Kreste ha kuta mwa mazazi a maungulo aa mwa mufuta Moya o Kenile ni ku Iponahaza kuli wa pila? Yeo kona Zibahazo. Seo kona sisupo. Yeo kona tifo yelifilwe.

120 Musike, musike mwa itingeta fa maikuto a mubili. “Ni utwile silami se si ni zamaya mwa mukokoto. Mi—mi Ni—Ni nunkelela nto yeñwi; ni boni mali mwa mazoho aka, kamba oli cwalo. Kamba—kamba, Ni ipumanezi Digiri ya Caziba. Kamba, Ni

binezi mwa Moya. Ni huwile. Ni bulezi ka malimi.” Lika zeo zakona kuba hande. Hakuna ze ni nyaza ka zona, kono zeo ha kizona ze Ni ambola fateni.

¹²¹ Ni bulela ka za ponahazo ya Zibahazo, Jesu Kreste, ya zuhile mi u ku luna cwale, ku itibahaza Iliyena, kupaka sinca Linzwi la Hae la sepiso la lizazi le. Amen. Kona kuli wena ni Kreste mu alimuñwi. Mulimu ni Kreste ki alimuñwi. “Ka zazi lani, mu ka ziba kuli Ni inzi ku Ndate, mi Ndate u ku Na; Na ku mina, ni mina ku Na.” Ki yoo Mulimu ya iponahaza mwa mubili wa butu, inza iponahaza Iliyena ali yapila, kasamulaho wa myaha yelikiti zepeli. Yeo kona Zibahazo.

¹²² Haiba ha u yo mwahali, amueke kapili, balikani. Ika sana yaba ka kuliyeha. Ha lu zibi.

¹²³ Abonisa Pata ya Hae, Testamente Yenca, Mali. Mi Ya pila cwale, inze bonisa liponahazo. Mi kakuli U teni, luna ni tukelo ya lika kaufela Za lu lekezi. Muuna yana ni kolobezo ya Moya o Kenile, kamba musali yana ni kolobezo ya Moya o Kenile, una ni tukelo kwa lika kaufela za lu lekezi Jesu, kakuli seo kona sisupo se lu nani. Ao kona mata a kuleka.

¹²⁴ Lubulele ka mutala mu ka li, “Kihande, Muzwale Branham, u talusa sikamañi?”

¹²⁵ Faa, si petahalise hande cwale, mi Ni bata mina sicaba bakuli mu utwe taba yee. Amutalime, haiba Ni shwa tala, mi Na ziba kuli kuna ni sinkwa, lubulele, kuli sileka siemba fela, mi kipeto kutaha muzwale ya bulela kuli, “Ki se siemba sa pene, Muzwale Branham. U shwile tala; inga kapene nyana ka.” Cwale, mwa ziba, Ni kona fela kuba ya tabile ni siemba seo mwa lizoho laka sina mo ne Ni ka ezeza ni sinkwa mutumbi mwa lizoho laka, kakuli Nina ni teko ya mo si lekisezwa. Ni amuhezi zibahazo ya kuba ni sinkwa. Mi ki sani fani sinkwa; mi nto yeliteni fela, Ni sweli zibahazo, siemba se si leka sinkwa, Ni kona kuba fela ya tabile ni zibahazo kuya ka mo Ni bela ni sinkwa.

¹²⁶ Cwale, haiba una ni kolobezo ya Moya o Kenile, ona yeo kona Zibahazo yakuli una ni lika kaufela zeyemela kuliululwa za na shwezi Jesu, ki za hao, li mwa lizoho la hao. Kana wa saba ku i kungela zona?

¹²⁷ Haiba Ni i beya mwa pokoto yaka, ni li, “Kihande, Hani zibi haiba Na kona kuleka sinkwa sani kamba nee,” Ni ka bulaiwa ki lifu. Kono muhupule, mulekisi uli, “Ni tokwa nto iliñwi, Bo. Branham. Twenti-faiifi senti iliñwi, wakona kuba ni sinkwa.” Nina ni yona! Amen. Kona mafelelezo.

¹²⁸ Ki kabakaleo ha lu sa boni lika zeñata ze ezahala kacenu, Zibahazo ha i si ka bonahaliswa, Zibahazo ya luli. Oh, luna ni mifuta kaufela ya malikanyiso, kono Ni talusa Zibahazo ya luli.

¹²⁹ Amutalime, mi ha lu lemuha ni kubonisa Zibahazo, Bupilo bo i lwezi bwa Zibahazo, kipeto Mali a lu ambolela kwateni.

Muhupule, kutwano ya Mali ne i zamaelela ka Zibahazo, mi Linzwi li lu sepisa za sepiso. Zibahazo ki sisupo sa kuli teko i lifezwi luna.

¹³⁰ Cwale, haiba ha u yo mwateni, kihande, eeni sha, hakuna zo ka amuhela; u sweli kuzamaya fela mwa mukoloko wa litapelo, utaha inge uzamaya fela; kutaha kwa katala, ni kutalima mwahalimu, ni ku kuta hape.

¹³¹ Kono, oh, muzwale, haiba Zibahazo yeo i beilwe fa pilu ya—ya—ya hao, mi u ziba kuli ki zuho ya Jesu Krete ku wena, kuna ni se si ezahala. Hakuna se si ka ku kelusa. Wa ziba ko swanela kuba. Kuutwela kokutezi kwa Linzwi la Mulimu kaufela ku kufa tukelo yakuba ni Zibahazo, mi hakuna nto isili hape. “Una ni mbuyoti ya mamela Litaelo za Hae kaufela, wakona kuba ni tukelo kwa Kota ya Bupilo.”

¹³² Kuzwa foo, ha lu lapela, lu swanela kuba ni Zibahazo fa kutahisa litapelo za luna. Cwale musike mwa palelewa kuswala lika zeo. Ha u lapela, u lukela kuba ni Zibahazo kuli i sindekete tapelo ya hao; haiba ha u cwalo, lapela kufitela Zibahazo i taha, kakuli ha u si ka sepiswa ku i amuhela. Mwabona, u swanela kuba ni Zibahazo ye pili; ki yona teko ya tifo, tumelo ya hao kuli i lumele cwalo.

¹³³ Cwale, sisupo sa ku utwela ko felelezi. Sabo ifelile. Paulusi u lu bulelela kuli, “Mali abulela lika zende.”

Mu li, “Mali a bulela?” Eehe, Mali a bulela.

¹³⁴ Mwa Genese 4:10, lu fumana cwana kuli Mulimu na bulezi kuli—kuli Kaine. . . kamba, “Abele mali ahae na bulela mwa lifasi.” Lu fumana mwa Maheberu 12, kuli, “Mali a bulikani bwa Krete abulela lika zende kufita mali a Abele.” Mwabona? Lu fumana kuli, Mali a bulelanga, A bulela mwa sibaka sa hao. Bupilo bobuli ku wena bu bulela ka Mali a suluhile. Amen. Oh, muzwale! Ni lakaza kuli kambe mañi ni mañi wa bona cwalo. Mwabona? Haiba mwakona kubona seo sili sona, ki bona Bupilo bobuini ku wena. Mwabona, Mali a ku tamahanya ku Ona. Ki yona Zibahazo. Kana. . . Ki sikamañi seo, ki Mali ana ku suluhezi; u a muhezi, mi ni Bupilo butile ku wena. Una ni Zibahazo, ki ona Moya o Kenile.

¹³⁵ Mi cwale ha lu lapela, lu swanela kuba ni Zibahazo ya kutahisa litapelo za luna ka yona, sina ha Ni bulezi, mi cwale lu lumele ka luna bañi ni kulamba Zibahazo kwa lubasi kaufela, inge mwa Egepita, Jeriko, kamba neba mwa Likezo 16:31. Lu fumana kuli Paulusi na bulelezi muzamaisi wa mpi wa Muroma, kuli, “U lumele wena, mi ba ndu ya hao kauela baka piliswa.” Mu A lambe mwa lubasi lwa mina. Haiba una ni mwana ya si ka piliswa, lamba Zibahazo ku yena, uli, “Mulena Mulimu, Na mu nga.” Muinele hande ona foo. Haiba una ni bomaho kamba mulatiwa ya latehile, beya Zibahazo yeo ku yena, uli, “Mulena Mulimu, Na mu nga.”

¹³⁶ Amuzwe, mwa lika kaufela za lifasi, zwa mwa ndu ya hao, i tukiseze Yona. Cisa tuputula twa hao. Yumba makadi a hao a litafule kwahule. Zwa kwa likwai za hao. Yumba ku sa lumela kwa hao ni mapampili a keleke ya henu mwa singongolo sa masila, ko a swanela. Amen. Fohe kipeto u waitukisa kanti. Kipeto u eza sikamañi? Kipeto lamba Zibahazo mwa tapelo, ka bupaki bwa niti, tumelo ya luli. I lambe, I lambe ka sepo. Ha u lamba Zibahazo, u ziba kuli u kenisizwe. “Haiba lipilu za luna ha li lu nyazi, kipeto luna ni kupo ya luna.”

¹³⁷ Haibile fela mina sicaba mueza lika ze fosahalile, u ka kupa cwani Mulimu kuli aku ezeze sika ha u ziba kuli u fosize? Kona libaka ha lu tantalika ni kukuta mwa mulaho. Ha ni buleli zeo kuli ni mi utwise bumaswe. Ni bulela cwalo ka ku mi tiisa, kuli munge lika hande. Mu ka li toma cwani fa kucisa kwa Sodoma ni Gomora? Amu kute!

¹³⁸ Balikani ni bakutazi ba tuhelezi sicaba kueza lika kaufela, ni kuya mutakafululele, ni kubeya fela mabizo a bona mwa buka ni kuipiza *se, sani*, ni *sesiñwi*, kanti ki maswabisa fela mane. Mi si fitile fa kuli tumelo ki nto yesina mane. . . mane ha i zibi kuli ki sikamañi. Bana, bana ni sepo, kono habana tumelo.

¹³⁹ Mu lukela kukuta, kwani, koo lika kaufela ha li otolohile ni kukena. Mi muikungele Zibahazo ya mina, kuli muziba kuli ki Jesu Kreste ku mina, mi mu I lambe. Haiba sesiñwi ha si ezahali, kuna ni se si fosahalile; kutela fateni hape, u sweli nto ye si yona mwa lizoho. Na sepisize cwalo. Ki Yena ya na sepisize. Li lambe. Mubale Maefese 2:12, nako yeñwi, haiba mubata kuipalela, mi mu ka lemaha.

¹⁴⁰ Mulemuhe mwa Maheberu 9:11, hape. Paulusi naize, “Kusebeleza Mulimu yapila, ka litaelo zepila.” Ha ki kubulela fela kuli Ni ka zamaya inge Muheberu mwa na zamaela, unga sitabelo sa hae, ni kutaha mwa nzila, ni poho yetuna yekima, ni kubeya mazoho a hae ku yona ni kuitibahaza ili yena, ni kusulula mali, akuta inza beilwe ya lukile. Jehova na tokwa ona cwalo. Na ezize ona cwalo. Mi lusika lo lutatama, mwendi ne babile ba ba bata kufita bapili; mutu yomuñwi, aba ya bata hahulu kufita wapili. Taba yapili mwa ziba, se i ba sizo sa lubasi.

¹⁴¹ Cwalo kona mo i bezi pentekota ku luna, ki sizo sa lubasi. Lu ya kwandu, luli, “Kana tukiso ya mazimumwangala yani ne si yende nji? Ha lu sa ziba kuli ne ba yeziñi kwa keleke? Mulena Jesu, folisa. . .” Oh, makeke! Mwabona? Ki sizo- sa lubasi. . . “Mwa ziba, ne Ni bulezi ka malimi zazi leliñwi. Ni wa siemba *se, kamba, sani*, mwa ziba. Uh-huh.” Oh, ki sizo sa lubasi!

¹⁴² Mwa ziba sa bulezi Mulimu? Mulimu naize, “Lipoho za mina ni litotolo zenunile za ni nunkela mwa lingo. Yeo ki niti, litabelo za mina li fetuhile munko o maswe.”

¹⁴³ Mi kona ni litabelo za Mapentekota mo libezi, hamoho cwalo ni kuikaba kwa likopano za luna ni kutundana, ni bahame ba

luna ni baana baeza ka mo ba ezeza, mufuta wa bulapeli fela; kuliza lipina, mi yomuñwi wa tulela mwahalimu ni fafasi fa anko nyana; mi li fumaneha kaufela, kuswana ni sikala sa mezi a suluhezi ku yona, haiba Linzwi la Mulimu litaha cwalo ni kubulela nto isili fela. Ki butata mañi? Litabelo za mina likala kununka fapila Jehova.

144 Mi neli ka nako yani fa natezi Isaya mwa lifasi, mi aba bulelela ali, “Ni ka mifa sisupo sa kuyakuile, mwanjanjo uka i twala.” Mwabona, ki fo he cwale. Isiñi mifuta yeshwile ni ilituto za litumelo, batili; kono taelo yepila, Mulimu yapila yana zuhile kwa bafu, mi upila mwahala luna.

145 Babañwi ba bona, likeleke ze sina cwalo, ze lumela lika ze, ba latula kuli kuna ni nto ya kuli Zibahazo. Kihande, mulikani na lika ku ni bulelela, “Konji fela baapositola ba lishumi ni bababeli kona bene ba amuhezi Moya o Kenile. Kona fela bene bali teni. Eehe.” Oh!

146 Kono luna ba ba lumela Linzwi, luziba kuli kwa shutana, lu ziba kuli kwa ki Kubatani ko kupila. Kakuli lu ziba cwani kuli ki Kubatani kokupila kwa Kreste, ili Moya oli mwahala luna? I eza nto yeswana ni ya Na ezize. Boo kona bupaki bwatani. Kota i zibahala ka muselo o i beya. Mi cwale haiba kota yapili yani ika shoshela mi ba ñola Buka ya Likezo mwa mulaho wa yona, mi nto yeswana yana ezize Jesu, baapositola ni bona ne ba liezize; cwale haiba kota yani i ka shoshela sinca, i eza lika zeswana. Mwabona, Maheberu 13:8 ili Ki yaswana, oh, mawi, li paka kuli Mulimu u Mu zuselize luna, kuya ka sepiso ya Linzwi la Hae. [Hakuna manzwi fa tepu—Mu.]

147 Liswayo la sepiso! Maefese 4:30 ili, “Musike mwa filikanya Moya o Kenile wa Mulimu, ili o mu swailwe ka ona kuisa lizazi la kuliululwa kwa mina.” Isiñi kuisa ancafazo yetatama. “Kuisa lizazi la kuliululwa kwa mina!” Ka kukolobezwa ku Ona, kuya ka Makorinte Bapili 12. Mi ku Yena kuna ni mutalelela, mi hakuna sibi se si zibahala ku Yena. “Ya pepilwe ki Mulimu, ha ezi sibi. Peu ya Mulimu i siyala ku yena, mi hakoni kueza sibi.” Ku konahala cwani, haiba Zibahazo iteni? Zibahazo kona sisupo sa kuli i amuhezwi.

148 Mi, kihande, mu li, “Ni ezize sibi.” Kihande, kona kuli wali kuba ube ni Zibahazo. Mwabona?

149 Zibahazo kona sitibiso, se si bonisa kuli tifo ilifilwe. Haiba Satani ulika ku kutambeka zona. . . Unahane fela ka se. Haiba Satani ulika kukufa butuku, kamba kulika kukufa nto isili, wa ziba sa kueza? U mu bonise Zibahazo. Luli, butuku bunata Mukreste. U mubonise Zibahazo ya hao, ni ku mubonisa kuli u lekile sibyana sa Mulimu. “Muhanele diabulosi, mi uka mi siya.” Muswale Zibahazo ya mina fa tumelo ye sa zikinyehi mwa Linzwi la sepiso ya Mulimu.

150 Mulimu nako yeñwi akile afa nambwamutalati kuba sisupo sa zibahazo. Na kwala. Na file nambwamutalati ili sisupo sa zibahazo. Nina ni fela mizuzu yelishumi cwalo, mi kipeto lube ni mukoloko wa tapelo. Yena usiyala ya sepahala kwa zibahazo yeo. Naezize cwalo? [Kopano ili, “Amena.”—Mu.] U sa eza ni cwale. Myaha ye likiti ye, Ali kuba nihaiba hañwi, nako iliñwi, apalelwe ku li bonisa. Na sepahala kwa zibahazo yani, ulubonisa kuli U eza kamita. . . mi hana kupalelwa ku kuteka lizibahazo za Hae. Hanina taba haiba ki. . .

151 Haiba Jesu hana kutaha ka myaha ye likiti ze lishumi, una ni Zibahazo, U sa na ni ku I kuteka. Hakuna taba kamba ki zeñata cwani ze cinca, ni zeñwi kaufela, Una ni ku kuteka Zibahazo yeo. U bulezi kuli Uka eza cwalo. Ku lukile. U lu kulubela cwaww kuli lubonise Zibahazo ya Hae, fahalimwa tumelo ya luna yefilwe ki Mulimu, kwa milapelo kaufela ye sa lumeli mwa naha ni mwa lifasi, yelumela kuli lisupo ni ze komokisa ha li lateleli balumeli. Ni kuba wa niti kwa Zibahazo ye, mi I bonisa kuli tifo i se i lifilwe kale mi lu amuhezwi kwa zuho, kakuba Bupilo bwa Zibahazo mwahala luna.

152 Leo ki Liñusa le li buhali, kono ki Niti. Zeo kona ze lutokwa, ili Niti. Mulimu alutuse ku ziba Niti. “Mu ka ziba Niti, mi Niti i ka mi lukulula.” Ni bulela kuli Jesu Krete ki yaswana maabani, kacenu, ni kuyakuile. Ni lumela kuli Mulimu ki yena yafa Moya o Kenile kuba Zibahazo, ona fa cwale, ku sikaba kale exoda, ya mu—ya Munyaliwa kuzwa mwa keleke.

153 Ni lumela kuli kuna ni bukuba bobuñata hahulu, mi sicaba si bulela kuli ne ba huwile, ba bulela ka malimi. Ni lumela mwa lika zani; kono haukoni kuyendamena foo. U kona cwani kuitinga fani, mi ba latule Linzwi? Mwabona?

154 Zibahazo ki yona Linzwi le li pakilwe ku mina, le li pila Kasibili libonahalela kwande. Yoo ki Mulimu ya li Mutoloki wa za Hae. Ha u lukeli kubulela kuli, “Kihande, cwale, kifoo toloka lulimi lwaka.” Ha ki zeo. U toloka bupilo bwa hao ka Linzwi. Mi Hana linzwi la hao, seo uli sona, ni kuzibahaza Linzwi la Hae mwahali mwani, ha ku tokwahali toloko ifi kaufela, liteni kale foo. Mulimu ki yena ya Itolokela za Hae tota, mi lubile ni lisepiso ze kacenu.

155 Oh, Dallas, mina sicaba se silatwa sa Bakreste, musike mwa yaulukiswa ki lika zeo kacenu, ze mubona inge li ezahala kai ni kai, kakuli lika yunda. Mulambe Zibahazo kamita, mubonahalise Zibahazo. Mubale Bibebe. Mutahe kwa sika kaufela. Mi haiba moya wa hao ku wena ha ubuleli “amen” ku Yona, kona kuli kihande ukute mwa mulaho, cinca lika zonani, kuli ube ni Zibahazo; Yeo u si ka fumana kale.

156 Ni ziba kuli zeo ki zeñata hahulu ku li bulela mwa musihali ulimuñwi. Mi fa cwale seli foo-seti. Se li nako cwale, mi haiba lukona kuzwa ka faifi kiloko hamoho ni mukoloko wa litapelo.

157 Kana mwa lumela kuli Jesu Kreste wa pila mi wa busa kacenu? [Kopano ili, “Amen.”—Mu.] Kana mwa lumela se Ni mi bulelezi kuli ki Niti? [“Amen.”] Ki Zibahazo, zetokwahala. Ni kona fela kubulela lika za Niti. Ni bulela fela ze Ni bona, se Ni utwa, se si patuluzwi kuna. Mi libaka le Ni bulelela cwalo; mwahala linako ze eza likiti kiti, hakuna nihaiba nako iliñwi fo likile za palelwa kuba za niti. Cwale yoo ulukela kuba Mulimu. Yoo ulukela kuba Mulimu. Kihande, kikuli Mulimu ukafa bulumiwa bo bucwalo ku mutu ya sa zibi sa bulela? [“Batili.”] Kikuli A ka Itibahaza sina muboni yani kwani, mi ni kufetuha amufe Linzwi le li lyangani? [“Batili.”] Mutu ya Li latula, ki yena ya lyangani. Mi Mulimu ha si ka lyangana. Mulimu ki mutoloki wa za Hae Iliyena.

158 Amuhele Zibahazo! Musike mwa yendamena ku za ku ikopanya kwa keleke kamba mifuta ifi kaufela, kamba sika kaufela. Amu amuhele Zibahazo! Mu Iswale. Ki yona taba fela inosi yeo Mulimu aka lemuha. Ha u fita fa hola yeo, ha litaha kwa lifu la hao, uka eza hande kuswalelela Zibahazo yeo ku wena; ka kuziba kuli ka lizazi la kutaha kwa Hae, zuho yani, Na kona ku yo bonisa Zibahazo yeo. Haina ku yo ba mwa mubili woo, ukabe ubolile; kono mwa Moya moo, ona haukoni kushwa, ki Bupilo Bobusafeli, Zibahazo iina ona foo. Mi Na sepisize kuli, “Ni ka mu zusa hape ka lizazi la mafelelezo.”

159 Yena Jesu Kreste yaswana yani uteni moo. Ki yena Mulumiwa. U mwateni. . . Moo ki yena Liñusa, mi ki Yena Mulumiwa yali mo ku to zibahalisa Liñusa la Hae. Na ha kina Mulumiwa. Yena ki yena Mulimuwa, mi *Le* kona Liñusa. Mi haiba una ni moya o sa lumelelani ni *Lona*, likona kuba cwani Mulumiwa wa Liñusa? Konji Zibahazo fela inosi fela kona ye ka Li paka. Amen.

160 Ni i kutwa bulapeli. Luli ni ikutwa cwalo. Ni ikutwa inge Ni ka fufa ona fa cwana, kakuli Na Mu ziba ye Ni lumeli, mi Ni boni bupilo bwaka ha bu itibahaza ni Yena mwa zuho ya Hae. Pata ya Hae iteni mo. Amu I amuhele, balikani, shangwe mueze cwalo, mwahala lipilu za mina.

161 Ni ziba kuli kaufela luna lwa tahanga kwa katala ku to lapela. Woo ki muhupulo wa kale wa ba Methodist. Ne ba sa ezangi cwalo mwa Bibebe. Bibebe ibulezi kuli, “Bona bene ba lumela ne ba kolobezwa.” Yeo ki niti. Hakuna nto yecwalo kuli kubizezwa kwa katala mwa Bibebe. Zeo ki lika ze ekezwe fela kwateni, kono ki lika zende. Sika kaufela sa fuyola Mulimu, si lukile.

162 Inge liapalo ze tozizwe. Ne kusina lika ze cwalo mwa Bibebe. “Ne ba amuhela masila a liapalo za fa mubili wa Paulusi litaulo ni masila.”

163 Kono mo mubatela ku liezeza kaufel, ku lukile, mwa sipula sa mina, kwa katala, kaufela kamba ki kai. Nto yatani fela,

mulambe not Yeo, yona Zibahazo ku mina. Mi kipeto u italime sinca hape, ni kutalima mufuta wa bupilo bo busweli kuezahala, kubona haiba I lambilwe kamba nee. Haiba ha I si ka lambiwa, kipeto u lule kaufela so nani, kwatuko, ni kukuta, kufitela Zibahazo i lambiwa.

¹⁶⁴ Ha lu lapeleni. Ndata luna yakwa Lihalimu, mwendi Ni—Ni—Ni bulezi ka buhali, kono, Mulena, mapo ikona kuswala cwani kwanda ku i katela? Na lapela, Ndate, kuli i katele zangana mwa lipilu za sicaba, kuli ba bone kuli ha ki nto ya kunyemela mutinelo. Ha ki kuli Ni lika ku swanisisa kopano yeñwi kwa sikwata cwalo, bulapeli bobuñwi, mutu yomuñwi, kamba na kasibili, kamba mutu usili. Ki Jesu Kreste. “Ni ka kubukanya likopano zeo kaufela hamoho,” ki ze silezi za iliñwi ni ze licika za yeñwi, kuya ka Linzwi la Hao. “Lihule la musali la kale,” ki Bibeles mwa Sinulo 17, “ki yena yanali mahe wa mahule bani kaufela.” Mi ne ba si baana. Nebali mahule, mi kaufela bona ba kena mwa mumbeta wa bulifasi. Mi lwa bona li ezizwe cwalo, Mapentekota ni babañwi kaufela.

¹⁶⁵ Kono, Jesu, U sa siyezi uli Jesu. Ba si ke ba teezeza kwa liñusa la keleke; kono kwa Liñusa la Kreste, lona Linzwi. Mi U itibahaze Iliwena, Mulena, kacenu, ni balumeli. Folisa bakuli kaufela. Lu swalele libi zaluna, Mulena. Na—Na lapela, sina mutanga wa Hao, shagwe ni swalele libi za ka, mi uswalele ni libi za sicaba se. Na sepa, Mulena. Mañi ni mañi wa bona hauna ku kakanya u ni tusize ka linubu, ili kulifela za—za miyaho, mi ba itusize masheleni a bona, mi ba—ba—ba ezize lika kaufela, Mulena. O Mulimu, Ni lapela kuli kusike kwaba ni yomukana ya ka li mbwinja, Mulena. Kono mañi ni mañi.

¹⁶⁶ Ni—Ni eza cwalo ka busepahali, mi ibo, Mulena, u na ni kuba ya buhali. Lwa ziba, kusikulula kona lilato. Lilato la sikulula. Mi Na lapela. Kakuli leo kona libaka Ha u sikulula sicaba sa Hao, neli bakeñisa kuli No lata, mi sibi kaufela sina ni ku yo alabelwa.

¹⁶⁷ Mi, Ndate, Na lapela kuli U swalele libi za luna cwale, halunze lu ipulela zona. Lu yambaezi kwahule, Mulena. Ni zibahala hamoho ni sicaba sa Pentekota se, Mulena. Ni—Ni alimuñwi wa bona. Mi Na—Na lapela, Mulimu, kuli U swalele kaufela. Mi unge baeteleli babañwi ni ku bafetula, mi—mi bakonise kutalimela kwa Kalvari kwani hañwi, mi ha ba libala ze bana ni kuba zona, mutoneli kamba bishopu, kamba seo kaufela akona kuba sona, ni kuziba kuli ha lu babatuna mwa Mubuso woo. Kaufela luna lu bana ba Mulimu. Ni lapela kuli U lutuse cwale. I tibahaze Iliwena mwahala luna, kacenu. Lu kupa ka Libizo la Jesu Kreste. Amen.

¹⁶⁸ Cwale lu si ka kalisa fela mukoloko wa litapelo, kwa kona kuba mutu mo yasikaba kale kwanu fateni. Ha ni zibi kuli ki wena mañi, kono Mulimu wa ku ziba. Haiba Ni bulezi Niti, kipeto Mulimu ha i pake, kamba ki Niti kamba nee, boo kona

bupaki bwateni. Haiba Na zuhile kwa bafu, Wa swana maabani, kacenu, ni kuyakuile. Na bulezi mwa Joani 14:12, “Ya lumela,” isiñi ya likanyisa kulumela. “Ya lumela ku Na, misebezi ye Ni eza u ka i eza ni yena.” Kana ki cwalo?

169 Yomuñwi naize, “Yemituna mane mu ka ieza.” Yeo ki niti. Nali, “Kihande, lu kutaza Evangeli, yeo kona yemituna.”

170 Mueze fela lika Za ezize, zeo li ka paka kuna, mwabona, kipeto lu ka bulela ka yemituna. Na kona ku mibonisa lika Za sweli kueza cwale kufita za Na ezize ha Nali mwa lifasi, mi yeo ha ki kukutaza fela Evangeli, neba; mo ki mwa lisupo ni limakazo. Haluna nako ya zona. Mulumele fela. Mi Mulimu wa Lihalimu, Yana zuzise Jesu Kreste kwa bafu, mi u lu tiselize Yena mo ali yapila, ku luna, kasamulaho wa myaha yelikiti zepeli, upaka Liñusa le, kuli Li lukile. Zibahazo ina ni kulambiwa.

171 Cwale, mina baba na ni matuku ni matata, mulapele, mubulele fela ka kusepahala kuli, “Mulena, Ni lumela kuli ‘ki Wena Muprisita Yapahami yakona kuswaliwa ka maikuto a matuku a luna.’ Mi lu bulelelwa ki mukutazi yo fa, kuli Una ni luna, uteñi, mi Ni bata kuli Ube ni luna mi u itibahaze ili Wena.” Cwale mulapele, mañi ni mañi wa mina.

172 Cwale kuitingile ku Mulimu kuli abulele sika. Ki nako yecwani yeo! Oh, mawi! Ni lakaza kuli kambe mwa ziba nto, mo mu ikutwela Sani ha si taha, lifasi kaufela ki la mina. Amen. Hakuna diabulosi ya ka eza sika, yena ki sibupiwa se si komilwe. Mulena ka uteni. Kaufela zona li mwa mazoho a luna. Amen.

Shangwe amu kuze muli tuu. Musike mwa zamaya. Muine mukuzize.

173 Mina babali mwa lipula za mawili, ni lika zeñwi, musike mwa hupula kuli hamuna tuso. Mulumele. Mina—mina, mina babafitile mwa mikoloko ya litapelo, mane ni kupalelwa. Ne si mukutazi ya na ku lapelezi, yana palezwi. Ki tumelo ya hao, mi ubile unahana kuli hakuna so ka eza. U lumele.

174 Fa, fa kile Liseli fa, fahalimwa toho musizana yomunsu kwa mulaho kwanu, ya yemi inza nanuzi mazoho mwa halimu sina *cvana*. Eehe. No sweli kulapela. Eehe. Wa ni lumela kuba mupolofita wa Hae, kamba mutanga Hae? Ha ni lukeli kubulela cwalo, kakuli za sitatalisa batu babañata. Muna ni zende za . . .

175 Ki yo fa muuna wa mukuwa, musali yomunsu, kuswana fela sina Mulena luna ni musali fa siliba, mishobo yemibeli yeshutana. Aba konisa kuziba kuli hakuna shutano mwa mishobo. Mibala ya luna haina za kueza ni zona. Kaufela luna. . .Lwakona kufanana mali a mwa mubili. Mulimu lu bupile, ka mali alimañwi, linaha kaufela.

176 Ha u kula toho, kuopa toho kokumaswe. Kipeto una ni mutiyo fa pilu, ki pilaelo ya mwana. Mi wena. . .Ki kukatazwa.

[Kezeli uli, “Amen.”—Mu.] Yeo ki niti. Kana ki cwalo? [“Amen.”] Yeo ki niti.

177 Kalibe yo yainezi foo, ubonahala ku swana ni wena, ki bo maho. [Kezeli uli, “Amen.”—Mu.] Yeo ki niti. [“Kulumbwe Mulimu!”] Mi una ni butata ni yena.

178 Kana wa ni lumela, kalibe? [Bomahe ba li, “Amen.”—Mu.] Wa lumela? Butata bwa hao ki kuopa kwa makupo a hao. Yeo ki niti. Ki kwa neku la bulyo la hao koku opa. Kana ki cwalo? Nanula lizoho la hao, haiba ki niti. Halina ku ku kataza ni kamuta. Wa lumela (haiba) Mulimu akona ku ni bulelela libizo la hao? Musala. Lowell. [“Amen.”] Kiniti. [“Amen.”] Ku lukile, ikele mwa musipili wa hao, Mulena Jesu u kufa kupo ya hao.

179 Kwa mafelelezo kafoo kuna ni kalibe yomuñwi yomunsu yainzi, ya talimela, yena fela—fela libata ku mu zieza hahulu. U sweli ku ni talima. Wa li lumela. Sani, ha muboni sika se si bapani ni yena? U katazwa ki butata bwa lipiyo. Yeo ki niti. Li felile cwale; U ku folisize. Amen.

180 Kiñi ha mu sa lumeli? “Haiba ukona fela kulumela, lika kaufela za konahala.” Kana mwa lumela cwalo? [Kopano ili, “Amen.”—Mu.] Ki yo. . . Amutalime batu babansu! Ikai tumelo ya mina, mina balikani ba makuwa?

181 Ki yo fa kalibe yomunsu yainezi ona fa, yasweli ku ni talimela, ki kalibe yomukima cwalo. Una ni butata ni liñwele la hae. Hape una ni butata, una ni butata bwa pilu. Eehe. Mi una ni kufokola fokola, mikatalo ni lika zeñwi cwalo, sihulu ha ulika kulobala, kufipelwa. Mwabona? Zeo ne li ezahalile maabani busihu. Uhupule, ha Ni akalezi minahano ya hao, kono Na ziba zo no lapelela. No bata kubiziwa ka zona, kacenu, mi U ku alabezi kwateni. Cwale hape haukoni kuyema kabunolo, kakuli wa opa mwa lingongo. Yeo ki niti. Mi cwale, nto yeñwi, una ni butata bwa mwa mba, kuna ni se si ku melile mwa mba. Yeo ki niti. Cwale wa ni lumela kuli ni mupolofita wa Hae? Ni ka bulela cwalo, nihakuli cwalo. Ulumele, mi uka foliswa.

182 Kucwani he ka butata bwa mba ya hao? Kana u lumela kuli Mulimu uka folisa butata bwa mba ya hao, inge uinzi ona foo, ni wena? Kana wa lumela cwalo? Ku lukile, kona kuli wakona kuba ni foliso ya mwa mba ya hao. Amen.

183 U bata kutuhela kuzuba, foo, kalibe? U lumela kuli Mulimu uka ku tuhelisa kuzuba? Ubile ulika fa nako yetelele. Una ni butata bwa mwa mba, ni wena; ulikile kutuhela kuzuba makwai. Zeo kona ze ku kulisa mwa mba. Kikuli uka itoboha zona? Na li fasula kuzwa ku wena, ka Libizo la Jesu Krete, bakeñisa tumelo ya hao ku Yena.

Ni ku kolisa kuli ulumele Mulimu!

184 Ki yo fa musali yomunyinyani yainzi inza mu lapelela. . . ki mulatiwa ya mwa sipatela, wa shwa, ni kansa. Kiniti. Ki

malumahe. Yeo ki niti. Hakulata u... Musala mukutazi. U lumele ka pilu ya hao kaufela, muuna yani uka fola.

¹⁸⁵ Ni ku kolisa kuli ulumele Mulimu! Seo ki sikamañi? Ki ponahazo, yoo ki Jesu Kreste. U li, “Kreste ki sikamañi?”

¹⁸⁶ Ki yena Linzwi. “Kwa simuluhlo nekuna ni Linzwi, Linzwi nali ku Mulimu. Mi Linzwi la ezwa nama mi la yaha ku luna.” “Linzwi li buhali kufita mukwale o lozizwe kafa ni kafa, li lemuha milelo ni maikuto a mwa pilu.” Kana ha muboni kuli Linzwi litile mwahala luna mwa mazazi a maungulo? Ki Moya o Kenile o lwezi Linzwi la Mulimu ni kuzibahaza Jesu Kreste, ili yena Zibahazo. Amen. Kana mwa lumela? [Kopano ili, “Amen.”—Mu.]

¹⁸⁷ Ki ba bakai babana ni kadi ya tapelo? Kaufela ba bainezi neku le babani kadi ya tapelo, muyeme mwa mukoloko *kwanu*. Muyeme feela, kaufela mina kwa neku lani, neku lani fela mi muyeme mwakufita mwahali lipula moo. Batili, kwa neku la silyo fela mwa kufita, shangwe, ona foo. Batokomeli, hamube mwa libaka za mina. Cwale ha ba ka fela, kipeto babañwi ba yeme, hase ba fitile, mi ka kushutanisa ni kwa neku leliñwi. Cwale mutu kaufela a be ka likute.

¹⁸⁸ Moya o Kenile u kwanile mwa mukopano, konakuli ki zeñata ze bulezwi ni ze ezizwe kuli lipake. Ki ba bakai ba balumela kuli Uteni mo? Ki ba bakai ba balumela kuli yeo kona Zibahazo? Ki ba bakai kuli ki Linzwi? [Kopano ikala kunyakalala—Mu.] Amutalime, ki ba bakai ba baziba kuli Buka ya Maheberu ibulezi, kuli, “Linzwi la Mulimu la lemuha milelo ye ma pilu”? Ki ba bakai ba baziba cwalo? Ki ba bakai ba ba ziba kuli libaka leo Jesu hana lemuha milelo mwa lipilu za bona, kakuli Na li yena Linzwi? Ki ba bakai ba balumela cwalo? Ki ba bakai ba balumela kuli cwalo kona mo ne bainezi bapolofita? Ki bona bao Linzwi ne litile ku bona. Cwale haiba Linzwi likutela ku luna, kikuli Li tokwe kueza lika zeswana? Cwale ku konahala cwani kuli Linzwi le li zibahaza Linzwi, li fose ka Linzwi? Oh, makeke! Likute!

¹⁸⁹ Yela, yo kalibe yainzi faa, una ni sika mwa pilu ya hae, ni yena. Ni sikuluhile fela mi se ni si lemuha. Ha ki wena Musala. Bo Grant? Ne ni sa zibi cwalo. Kono ki wena Musala. Bo Grant, kakuli Ni kubona hamoho ni lona. Una ni kuikalelwa ko ku sweli ku ku kataza. Una ni, mwana hao wa muushimani una ni nto yeñwi. . . mali a hae, cwalo, asweli alota. Ni kulaela kuli ulumele! Amen. Ki yena Mulena wa buino. Ki yena Mulena wa lifu.

Ha lu lapeleñi.

¹⁹⁰ Mulena Jesu, Pata ya Hao hainze i lutoza, ona mwa muyaho mo, mi lu ziba kuli wo ki Moya o Kenile, Na lapela, Mulena, kuli U folise mutu kaufela ya ka apala litaulo zee.

¹⁹¹ Nako yeñwi, lu lutilwe mwa Bibebe, kuli sicaba sa Hao, hane sili mwa musebezi, hane ba sila Liwate Lelifubelu, mi liwate la

kena mwa nzila ya bona, fa musipili wa bona kuya kwa naha ya sepiso. Mulimu atalima fafasi ka Siita sa Mulilo sani, ni meto a buhali, mi liwate la saba, ni kukuta mwa mulaho, mi Isilaele a silela mwa naha ya sepiso, kukena mwa sibaka sa musebezi.

¹⁹² O Mulena Mulimu, meto a Hao atalime kupunya mwa Mali a Jesu Kreste, ku yo kena mwa Zibahazo ye fa ye lusweli litaulo ze kacenu. Mi cwale mañi ni mañi ya ka li tina, butuku bu sabe, bu kute mwa mulaho mi lumela sicaba sa Hao si silele mwabuse kwa sepiso ya buiketo bwa mibili. “Tapelo ya tumelo i ka pilisa ya kula.” Ka Libizo la Jesu Kreste, ha ku be cwalo. Amen.

¹⁹³ Ki ba bakai bakutazi ba Methodist ba balumela babaliteni moo, bakutazi ba Baptist, bakutazi ba Presbyterian, bakutazi ba Baptist, Lutheran, kamba Mapentekota? Ki ba bakai ba mina baba lumela Ye kuba Niti? Amutahe kwanu mu to yema nina hanisweli ku lapelela bakuli he. Amutahe mupahame faa, kaufela mina bakutazi baba lumela.

¹⁹⁴ Ku lukile, nji cwani? Muzwale Grant, ku lukile nji? [Muzwale Grant uli, “Luli.”—Mu.] Uh-huh.

¹⁹⁵ Taha kwanu, muzwale. Muzwale Grant una ni bulumiwa bwa kulapelela bakuli. Ki muuna wa ndume, muuna yomunde, muuna yoo Mulimu autwa ni ku alabanga litapelo, Muzwale Grant. Ni tabile kubeya lizoho laka ku yena kacenu ni kubulela kuli, ni ni muzwale waka. Cwale ukaba kwanu inza lapela nina.

¹⁹⁶ Ha mu taha mwa mukoloko woo, inge mo mu kona kutahela mwatasa sifapahano. Mizwale, amu eze mikoloko yemibeli fa, ona faa. Mueze mikoloko yemibeli; babañwi kwanu, babañwi fafasi foo.

¹⁹⁷ Muzwale Roy Borders, u kai? Muzwale Roy Borders, Ne ni hupula kuli uteni mo. [Yomuñwi ili, “Uka kuta ona fa.”—Mu.]

¹⁹⁸ Amutalime faa, kwa bakutazi, mwakona! Amutalime fani. Seo si ni utwisa hande, mizwale. Bakutazi ba sifapano, banaa babayemi yemi fa banze ba itibahza ni Liñusa. Ki sikamañi se sikona kuezahala?

¹⁹⁹ Cwale, amutalime, musike mwa li yendeka fa bakutazi cwale. Batile ku to itibahaza ili bona. Ha mu ka fita fa, kuibah- . . . muzwale Zibahazo fapila mina, “Mulena Jesu, Ni ipulezi libi zaka. Ka kukuta, U ni file kolobezo ya Moya o Kenile. Ni sibyana se si lekilwe. Sibi, butuku kamba hakuna se sikona ku ni swala kuzwa kacenu kuya kwapili. Ni sweli kuzamaya hande.” Muswale cwalo, oh, fapila mina, mi mufite kwanu, mi Mulimu uka mi folisa mi mu ka zwa mo inge munyakalala, mutabile, ni kufola. Kana mwa lumela cwalo? [Kopano ili, “Amen.”—Mu.]

²⁰⁰ Cwale mutu kaufela mwahali mo, ha lu inamiseni litoho za luna, mizwale, fa nako nyana hamoho. Ha lu zibi ze ka ezahala. Ha lu zibi fela. Hakuna libaka lifi kaufela la mutu ya kula kuli azwe ona cwalo mwa muyaho moo musihali cwana. Swala

Zibahazo yeo mwa pilu ya hao, ufite mwa mukoloko wa tapelo woo; kokuna ni bakutazi, baba neezi bupilo bwa bona kwa—kwa sebelezo, ba ka yema faa, ba mi beye mazoho hamusweli kufita cwalo.

Mu li, “Kiñi so ezelize cwalo, Muzwale Branham?”

²⁰¹ Ni bata kuli mina, mutu kaufela, azibe kuli fela. . . Na ha ni mufolisi. Baana ba bana ni tukelo ya kulapelela mukuli inge mutu ufi kaufela. Ka niti, Ni lumela kuli Mulimu uka alaba litapelo za bona Asika alaba kale za ka. Ni katezi mi ni botehile, ni lika kaufela. Ni—Ni lumela Uka alaba litapelo za bona. Mi ki ba bayemi mwahala zona, kuli ba itibahaze ili bona, ha ba sabi kunga sibaka sa bona. Na itumela kwa baana baba cwalo.

²⁰² Cwale, mizwale, Na ziba maikuto a mina. Nina, Ni alimuñwi wa mina. Ki na ya sweli kucimbula kanyandi hamoho ni mina, ona mo mwa Texas, ka kulika kuswala mañi ni mañi wa zona litapi zeo Mulimu alukiselize kwa Bupilo, kwande kwani. Ni eza ze ni kona kaufela. Ni inzi ni mina, ka kutala luli. Linako zeñwi Na halifanga ni kuhuwa ka likopano ni lika zeñwi. Zeo ha li talusi kuli Na mi lwanisa, muzwale waka. Ni talusa kuli Ni lwanisa mulao oka lu kauhanya kwa kuba mizwale, bakeñisa tuto yeñwi ya bulapeli. Lu mizwale ka kolobezo ya Moya o Kenile. Lu sweli Zibahazo yeswana. Lu amuhezi Mali a swana, kona kuli ha lu lumeleni cwalo. Lwakona ku yo kopana Kwani (nji cwani?), mizwale, mañi ni mañi wa luna mwatasa Mali.

²⁰³ Cwale, Ne ni beilwe fa bukutazi bwa Baptist. Mwendu wena u wa Methodist, kamba Lutheran, kamba Presbyterian, Mupentekota, Oneness, Twoness, Threeness, kamba kaufela seo u unani, Church of God, kaufela seo sili sona. Seo hasiezi shutano ni yekana. Halukoni ku lumelela fa lika ze nyinyani zeo, ha lu li libaleni.

²⁰⁴ Sika selukona ku lumelelana ka sona, ki Jesu Kreste yena Mupulusi wa luna ya shwezi libi za luna, a zuha hape ni ku lufa Zibahazo. Lu yemi mo ni litapelo za luna, kuli lu nanule mizwale ba bakula ni likezeli baba fita mwa mukoloko woo. Ni ka si lumela ka pilu yaka kaufela.

²⁰⁵ Ni boni nto yeñwi ye ezahalile ona foo. Amen. Ni ziba kuli munahana kuli Ni lyangani, kono Ni ikutwa kulyangana luli. Ni sepa fela kuli Ni ka kona kuina ona cwalo. Eeni, sha. Ni ikutwa fela hande ona cwana.

Ha lu lapeleni.

²⁰⁶ Mulena Jesu, Ni zamaya kuzwa fa katala fa, kutaha fafasi fa, kuli ni itibahaze ilina ni bona mizwale baa. Ni sweli kuitibahaza ilina ni bona, kaufela halunze lusweli Zibahazo za luna mwa mazoho, ni mwa lipilu za luna. Halunze lu utwela taelo ya Hao, “ya kubeya mazoho fa bakuli, mi ba ka foliswa.” Mi mutu kaufela yasweli kufita mo, abonise Zibahazo ya hae, kuli u amuhezi Moya o Kenile, kuli ki mwana Mulimu ya pepilwe sinca, ni kuli

u lumela ka pilu ya hae kaufela. Mi habanze bataha cwalo, ha ba kute butuku boo ni matata mwa mubili wa bona. Mi ha bazwe mo inga ba nyakalala, ka kuziba kuli tumelo ya bona i ba folisize.

²⁰⁷ Mi, Mulena Mulimu, sina ha lu tomile, Testamente ya Kale, mazoho a luna fa sitabelo, kuli lu itibahaze ili luna, lu beya mazoho a luna ku Jesu ni kuitibahaza ililuna ni Yena. Na beile mazoho a hae ku luna mwa bulumiwa, u itibahaza ili Yena ni luna, ka lisupo ni ze komokisa. Mi lubeya mazoho a luna fa bakuli, kuli luitibahaze ili luna ni bona, ni tumelo ya luna yeswalani ni bona. Butuku buna ni kuzwa, mi ha bu zwe ka Libizo la Jesu Kreste, halunze lu zamaya mo lunze lu amuhela.

Kopano kaufela ha i lapele.

²⁰⁸ Roy kamba yomuñwi taha kwanu mi uyeme fa maikulofini faa, mi ubeye mikoloko hande.

²⁰⁹ Amutalime, amusweli kutaha kwanu cwale, mutahe inge mu lumela, mutahe inge mu lapela. Luna lu kabeya fela mazoho fa bakuli. Amutahe fela cwalo. Mulapele. Ha mu ka fita mwa mukoloko wa bakutazi baa; haiba u zamaya fa milamu, ilule fafasi mi u i kele. Haiba ubile ni kansa, butuku, ubulele kuli, “Dokota u ezize kaufela za kona kueza, u ezize kaufela za kona kueza, mi u bulezi kuli Ni lukela kushwa. Hanina ku shwa. Kiye Zibahazo ya ka, Mulena. U ni sepisize ze mashumi a supile. Ni ka fita ona faa, ni eze cwalo.” Mwabona, muezwe cwalo. Kikuli mu ka eza? [Kopano ili, “Amen.”—Mu.] Ka Libizo la Jesu, ha kube cwalo. Amen.

²¹⁰ Ku lukile, amutise mukoloko cwalo. [Muzwale Branham ni bakutazi ba lapelela bakuli, sina muzwale hasweli kuetelela kopano mwa kuopela kuli *Lumela Feela* ni lipina zeñwi. Hakuna manzwi fa tepu—Mu.]

Na lumela!

Ku kakanya kwaka kaufela kupumbekilwe
mwa Liweluwelu.

²¹¹ Kana mwa lumela cwalo? [Kopano ili, “Amen.”—Mu.] Amen. Oh, ha Ki yomunde nji? [“Amen.”] Babañwi ba kubona nebainzi fa tumbeta twani ni milamu, ba yemi kapili ni kuzamaya; ba li siile fela libeilwe foo, mi baile baizamaela. Oh, ki mañi ni mañi yakona ku foliswa cwale, ya ka lumela. Kana mwa lumela? [“Amen.”]

²¹² Ha ku lufe munembo, *Na Mu lata*, uka lufa, kezeli; pina ya kale, “Na Mu lata, Na Mu lata kakuli . . .”? Ha lu nanuleni fela manzwi a luna kaufela, ni mazoho a luna, lipilu za luna, ku Mulimu, ni kuopela kuli, “Na Mu lata, Na Mu lata, kakuli U ni latile pili.” Kaufela cwale.

Na Mu lata, Na Mu lata
 Kakuli U ni latile pili
 Ni kuleka puluso yaka
 Fa Kalv- . . .

²¹³ Kalibe, ya yemi mwa sipula sa mawili, na tiswa kwanu ka baana bababeli bene ba mu swalelezi. “Na . . .” Ha lu nyanganyiseni mazoho a luna ku Mulimu, “Na Mu lata!”

Na Mu lata
 Kakuli U ni latile
 Ni kuleka puluso yaka
 Fa Kalvari . . .

Ha lu Mu lumbekeni fela cwale, kaufela!

²¹⁴ Kanya ku Mulimu! Mo lu itumelela ku Wena, Mulena Jesu, ka bunde bwa Hao, pata ya Hao. Oh, lwa itumela ku Wena ka Zibahazo, Mulena. Lu pilisizwe ni kutazwa ka Moya, Moya o Kenile usweli kupoomoka fa mibili yaluna cwale. Mo lu itumela ku Wena ka se, Ndate! Oh, ka Libizo la Jesu lwa itumela ku Wena. Amen. Amen.

²¹⁵ Mañi ni mañi amuswalane mwa mazoho, muli, “Kulumbwe Muena!” Muswalane ni yomuñwi mwa lizoho, muli, “Kulumbwe Mulena! Kulumbwe Mulena!” (. . .? . . .) Ku lukile, cwale, kaufela hamoho hape.

Na Mu lata, (mazoho mwa halimu, lipilu mwa halimu) Na . . . (mu libonise fela kuzwelela mwa lipilu za mina)
 Kakuli U ni latile (Kana uka lukulula?)
 Ni kuleka puluso yaka
 Fa kota ya Kalvari.

²¹⁶ Cwale ha lu inamiseni litoho za luna ka likute, ha Ni nze ni sikululela sebelezo ku Muzwale Grant kuli alu lukulule; ni itumela ku mutu ni mutu wa mina. Pili, ni itumela ku Mulena ka bunde bwa Hae, sishemo sa Hae, ni sepiso ye Ni sepa kuli lu siile mwa lipilu za mina, kuli haluyo mo lu nosi. Kapitao wa luna Yomutuna u mwahala luna. Muhuwo wa Mulena u mwa mafulo. Mi lwa itumela ku Mulena, kwa kubona mata a Hae amatuna ni sishemo sa hae. Mi cwale ha lu inamiseñi litoho zaluna ka likute. Muzwale Grant.



ZIBHAZO LOZ64-0308
(The Token)

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda musihali, Liatamanyi 8, 1964, ili fa Soul's Harbor Temple mwa Dallas, Texas, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org